

光緒江西通志

江西通志

卷首之四

訓典

道光三十年十一月乙巳

上諭內閣慶祺奏米色潮溼請將幫弁摘去頂帶扣留挑晾一摺江西吉安幫領運千總姚文淦於領運米石不能慎重管束任令船戶使水攙和以致米石潮溼情形過重實屬懈玩姚文淦著摘去頂帶扣留北倉俟明春將潮溼米石挑晾乾潔再行驗收如有折耗照例分別賠補現值回空受兌緊要之時若將該幫旗丁扣留候質轉恐有誤新漕著該侍郎就近查訊先飭該旗丁迅速回南趕兌新漕其船戶人等有無勾通舞弊情事俟刑部訊明後一併照例辦理

道光三十年十二月癸酉

上諭內閣御史湯雲松奏江西水利情形一摺著陸應穀到任後按照所奏各情諄飭該管各官相度地勢博採輿論儻事屬可行卽著廣爲勸諭俾小民共圖久遠以息水患而衛田廬

咸豐二年八月甲辰

上諭軍機大臣等據陸元烺奏江西需兵甚急就近調撥閩浙精兵堵剿一摺另片奏拏獲廣西逆夥並堵拏瀏陽土匪等語江西南昌袁州吉安南贛各屬州縣界連楚粵現在湖南瀏陽廣東仁化翁源等縣據探各有土匪聚眾江西邊境自宜扼要嚴防以備迎擊前有旨令於江蘇安徽兩省選調精兵二千名馳赴江西茲據陸元烺奏蘇省相距較遠兵到緩

不濟急著准其於福建汀州浙江衢州兩鎮營內就近各調精兵一千名由各該督撫迅派得力將弁飭令管帶迅速馳赴江西交張芾會同在籍尚書陳孚恩布政使陸元烺酌量分撥防守務須督飭地方文武各員嚴密巡防毋令賊匪潛冒闖入境內湖南軍營前調福建精兵三千名經賽尚阿奏令由江西行走如已行抵江西著張芾等酌度緩急截留備用

咸豐二年十月丙戌

上諭軍機大臣等張芾密陳江西界連楚粵地方辦理防堵及團練鄉勇均不能不借資民力又兵差過境尤不免有擾請特降諭旨詳悉查明情形分別蠲緩等語該署撫所奏自係地方情形爲弭患未然起見朕原不難明降諭旨立沛德音

惟楚粵毗連地方甚多雲南貴州湖北等省均辦防堵且有至一二年之久者至兵差過境地方尤難計數若止降旨加恩江西一省則他省不免向隅若各省概行查辦諭旨一到人人冀望恩澤不特借資民力勢恐有所藉口卽請獨請緩地方官分別輕重情形亦難家喻戶曉且恐無知愚民以恩旨爲名紛紛呈請封疆大吏不能不覈實酌辦稍加裁抑卽難保不以恩爲怨甚至聚眾違抗別滋事端是弭變而適以滋變朕再四籌思諸多窒礙民可使由不可使知凡事慎之於始庶免流弊所有江西界連楚粵辦理防堵團練等處地方仍著該署撫詳細查明如有實在苦累之區卽由該署撫分別輕重酌量奏請恩施正不必奉到諭旨始行查辦也

咸豐二年十月甲辰

上諭軍機大臣等張芾覆奏江西防堵情形一摺據奏袁州吉安南安贛州各郡分派鎮道大員及紳士協同相度道里遠近分布防守尚屬周密至九江一郡爲吳楚咽喉先事豫防固當籌及第賊匪現在長沙經大兵攻剿若竄江西地界自以袁州吉安爲最要關鍵九江距湖南尚遠較之萍鄉等處緊接賊匪地方者有閒該署撫惟當酌量緩急妥籌辦理兵分則單設非緊要之區派撥較多恐於應行嚴防處所轉致疏忽戰船廢弛已久經費當支絀之時倉猝籌辦不但購料修造緩不濟急且徒糜餉需無濟實用其江蘇舢板船隻果否足資巡緝扣可就本地商漁船內酌度情形豫備應用該署撫務須不動聲色嚴密籌維於尋常稽查保甲之時加意偵緝遇有奸細窺伺立即擒捕嚴飭營員督兵防禦總期處

以鎮靜勿使安堵居民因此驚擾並當嚴飭在事文武員弁於一切經費力求撙節毋得藉詞冒濫爲將來開銷地步是爲至要

咸豐二年十二月丁丑

上諭內閣朕先後降旨令羅繞典陳孚恩曾國藩等於本籍湖南江西幫辦防勦事宜其餘各省在籍紳士值此賊匪肆擾之時諒必志切同仇爲民捍患著該督撫傳旨令該紳士等各就該地方情形幫同團練保衛鄉閭或用堅壁清野之法使賊不能擄掠偪脅一切布置經費應由公正紳士籌辦不得官爲抑勒致滋流弊該督撫等惟當遴選賢能之員與各紳民同心協力嚴緝土匪密拏奸細以杜勾串被賊裹脅窮民皆吾赤子尤當分別良莠予以自新有能殺賊立功自拔

來歸或殲擒賊首者立即奏明優加恩賞朕宵旰焦思誓必殄此羣兇綏我黎庶封疆文武大吏其各仰體朕心毋負委任將此通諭知之

咸豐二年十二月丙申

上諭軍機大臣等陸建瀛奏遵旨籌辦並催調官兵啟程出省各摺片又張芾奏九江待兵孔亟一摺現在賊船數百已至黃州劫糧官兵調至九江者僅止百餘即下巢湖武穴鎮老鼠峽等處江面屯兵均僅二三百名賊氛偪近守禦實嫌單薄該大臣既於本月十五日自江甯啟程著迅速兼程前進所調官兵船隻即派遊擊楊冠春周鼐統帶與方翔徑抵九江上游迎頭堵截所請飭調直隸山東兵三千名無論該二省調防兵數已經不少即使再加調遣亦恐緩不濟急茲已

諭知徐廣緒向榮派得力鎮將統帶重兵繞至九江截擊並
令向榮察看賊勢何處喫緊卽行親赴應援矣其前經調赴
江西未至之兵著陸建瀛嚴札飛催陸建瀛未到以前著張
芾設法妥籌防守如可力爭上游扼要進攻卽著相機辦理
琦善卽日可抵楚豫交界本日已飭令統帶生力勁兵疾趨
湖北遏賊東竄並飭徐廣緒會合剿辦其安徽省沿江一帶
布置機宜陸建瀛與蔣文慶務須悉心籌畫督飭張熙宇等
嚴密防守有應行隨時酌商調派之事該大臣與該撫飛咨
商推毋得在皖耽延總以疾抵九江鎮定人心隨機進剿爲
要至江甯一帶各江防均如所請辦理著楊文定與將軍祥
厚督同藩司祁宿藻並前廣西巡撫鄒鳴鶴將團練保衛事
宜與江岸水陸各要隘妥爲籌備江蘇安徽兩省均著密飭

文武地方員弁分投巡查一有奸細闖入拏獲卽行正法江
西安徽陸路與湖北毗連處所一律嚴防該大臣馳赴蘄黃
一帶與徐廣縉琦善會剿情形隨時奏報以慰廑念

咸豐三年五月壬申

上諭軍機大臣等據張芾奏賊入江境江忠源帶勇赴省守禦
並江忠源奏兼程進省各一摺此項船隻停泊彭澤已將旬
日該臬司駐劄九江府城相距咫尺自必確有見聞此次奏
報情形僅有賊船已入湖口一語究竟賊船於何時入湖沿
江一帶有無失事九江是否安堵船上人等曾否抗拒官兵
搶掠地方該臬司及張芾摺內均未詳細聲敘朕心實深懸
繫如果此項船隻實係逆匪分股自應亟籌剿滅但恐其中
多係難民下游旣已免死遣散而該省復加以截擊豈不激

成事端又勞兵力轉使賊中被脅之人聞風生畏從逆愈堅且卽以真賊而論連艘千計人數眾多亦豈株守南昌所能了事該撫等務當偵探明確統籌全局毋誤事機張亮基前奏辦理情形甚合機宜該撫仍當趕緊會商分別應剿及應行遣散之處妥籌速辦一面會同陳孚恩督同江忠源嚴密布置固不可自相擾亂徒事驚惶亦不可恃爲無虞稍存大意向榮軍營官兵能否抽撥尙難豫定本日已諭令酌量調派卽著該撫飛咨商辦

咸豐三年六月壬午

上諭軍機大臣等崇綸奏逆匪分竄江西現因該省兵單擬由楚多發兵勇派委幹員統領前赴江西會剿滅此股匪勝於防範戒嚴等語所見甚合機宜前因賊船直撲江西省城諭

令該署督撫等卽於湖北湖南兩省遴選得力鎮將帶兵迅速赴援江省被圍兩旬有餘昨據沈兆霖由撫州馳奏該省於二十一日開城打仗頗有斬擒惟未據張芾續報朕心實深懸繫張亮基現往道士袱一帶履勘要隘著卽就近速派得力鎮將大員統帶兵勇二三千名趕赴江西救援賂秉章亦卽酌派兵勇數千遴委鎮將管帶直赴南昌合力攻剿除江西之賊匪卽可以固全楚之藩籬該署督撫等務各不分畛域協濟鄰封江西待援孔殷萬不可稍有延誤豫省之賊有渡河竄入溫縣者有在密縣新鄭滋擾者湖北防堵不可稍疏崇綸現駐省垣一切防守事宜著與張亮基會商妥辦毋稍事機

咸豐三年六月甲申

上諭軍機大臣等張芾奏省城剿守情形一摺南昌省城自被賊匪攻撲以來連日出剿獲勝並防守一切均臻嚴密張亮基現駐道士洲昨已有旨令其選派鎮將督帶兵勇馳赴救援本日復令駱秉章曾國藩迅調鎮守鎮兵八百名並令曾國藩團練得力之楚勇酌派數百名遴委員弁管帶趕赴江西交江忠源帶同攻剿張芾務當會同陳孚恩江忠源等一面力籌守禦嚴拏奸細暗防地道一面與各路援兵內外夾擊以期一鼓殲除至江省民情素稱懦弱卽紳士等亦不免紛紛遷徙以致人心惶惑惟陳孚恩暨在籍已革臬司徐思莊郎中陳景謨主事汪茹鑑等仍在省城巡防守禦足爲士民矜式至所稱在籍各員或畏賊避匿或聞警遠颺著該撫再行剴切勸諭並將幫辦團練首先逃避之紳士查明具奏

總期眾志成城勿爲浮言所惑致誤大局

咸豐四年閏七月癸酉

上諭軍機大臣等陳啟邁奏籌剿九江都昌賊匪一摺據稱大小賊船二千餘隻灣泊龍開河等處以潯城爲巢穴並在西門外築城安礮都昌地方復有賊船數百隻駛入該縣鄉勇與賊接仗該逆卽時颺去縣城得保無虞等語逆匪竄踞九江郡城賊艇多至二千有奇都昌退出之船亦難保不歸併九江爲窺伺省城之計然不嚴扼九江但知退守省垣殊非長策該撫前奏於南康府上下將新造戰船三十六號小船百餘號配載水勇二千有餘擇要駐泊並備火攻舟筏復選陸路兵勇二千名分劄兩岸爲犄角之勢統計水陸兵勇約四千有餘其續造戰船二十隻及廣東夷礮諒已齊備該撫

現又派勇一千餘名馳往助剿兵力已不爲單此時自應嚴飭羅玉斌及候補知府元善統兵勇相機進剿破九江之賊巢即可固省垣之門戶即使郡城未能迅速克復而湖口姑塘皆係扼要之區亦當撥兵據險以牽制賊勢九江郡城屢被賊匪蹂躪紳民遷徙逃避而本城文武各員又不駐守城內以致賊蹤來去自由鄉民無所倚恃何以繫屬人心辦理團練此時必須有文武大吏帶兵扼要駐劄若湖口姑塘等處均有重兵足壯紳民之膽即可設法勸諭捐資募勇共圖禦侮有能出江擊賊之人卽立予重賞並添造船礮併力堵擊現由武甯一帶調回官兵壯勇亦可酌量派赴下游要隘以助防剿若能扼住潯陽不特該省之藩籬可固卽長江全局亦可藉作聲勢曾國藩克復岳州旋因輕進失利此時湖

南舟師能否下駛尚未可知該撫務當統籌熟計不得藉口於餉絀兵單竟置九江於不顧也

咸豐四年十二月丙申

上諭內閣曾國藩塔齊布奏水路官軍續獲大捷肅清潯郡江面一摺逆匪自黃梅受創後糾合安慶新到之賊盤踞孔壠驛小池口一帶與對岸之九江賊巢聯絡抗拒本月初七日羅澤南李續賓彭三元等由北岸督兵進至濯港地方突遇大股賊眾我勇分東西兩路衝殺賊勢潰敗追入濯港市內擊斃溺斃者賊屍山積其潰逃之賊經兵勇分投追殺並抄擊樹林中伏賊前後共斃匪一千四百名生擒八十五名奪械無算十二日塔齊布率領全軍進攻孔壠驛三面環剿我兵勇不避槍礮一齊突入土城仍用長圍困逼逆眾溺入

泥淖中死者千餘人被諸勇追殺者又二千人因卽縱火焚燒街市餘賊無一得脫生擒長髮賊七十九名僞丞相總制等多名孔壠驛旣破小池口之賊亦卽聞風先遁餘賊爭駕小划駛入南岸我軍乘勢追擊沈毀賊船多隻旋回柁北攻將北岸洲尾大木簕一座乘風燒毀餘船亦被焚燒復延燒洲岸賊營一座其新港地方又有大木簕一座彭玉麟揮眾躍入奪獲大礮十三位並將船簕盡行焚毀經十四日水軍一戰潯陽江面遂就肅清曾國藩駐軍九江城外於十五日與塔齊布兩軍會合西門出賊數百人李孟羣率勇上岸追殺賊卽奔潰毀其木城一座彭玉麟等率大隊直下湖口燒毀賊船四十餘號並裝載輜重之大紅船三號現在大軍扼守湖口內外要隘九江逆匪首尾不能相顧可期卽日掃除

會國藩塔齊布運籌決勝戮力同心麾下將士率皆轉戰無前爭先用命皆由會國藩等調度有方覽奏之餘實堪嘉慰會國藩著賞穿黃馬褂並發去狐骾黃馬褂一件白玉四喜搬指一箇白玉巴圖魯翎管一枝玉靶小刀一柄火鏹一把交會國藩祇領又白玉四喜搬指一箇白玉巴圖魯翎管一枝玉靶小刀一柄火鏹一把交塔齊布祇領以示優獎

咸豐四年十二月丙申

上諭軍機大臣等會國藩塔齊布奏陸路兵單南北不能兼顧朕已早慮及此是以疊次降旨命楊霨出省督剿北岸命陳啟邁派兵出江夾擊並有桂明等不能得力准會國藩單銜叅奏及惲光宸趙如勝之兵均歸會國藩等調遣之諭原以皖鄂江西三省帶兵之員多有距本管督撫較遠而離會國

藩大軍轉近者非事權歸一則呼應不靈儻隔絕推諉於軍情大有關係所有湖北臬司胡林翼所帶之勇副將王國才都司畢金科所帶之兵均著楊需飭令星夜馳赴曾國藩等軍營悉聽該侍郎等調遣其和春等派出之已革道員何桂珍袁甲三派出之四品銜臧紆青等現在桐城一帶諒因英山失陷是以未能南出潛太著曾國藩卽行飛飭催提併歸一軍如有將弁桀驁兵勇孱弱者卽行認真簡汰不可稍存避嫌之見致一軍中強弱不齊轉費周折皖鄂毗連各屬昨已諭楊需移師前進迅速防剿著卽懍遵辦理由宿望潛太一路次第進攻並防逆賊由瑞昌擾竄與國轉出曾國藩大軍之後楊需帶兵出省湖北省不免空虛著俟克復九江後卽飭胡林翼帶兵回至楚境以資防堵江西逆匪昨據陳啟

邁奏已於初五日竄聚吳城尚在此次楚軍獲勝之前明係我兵追剿緊急該逆聞風內竄仍堅踞潯郡牽掣大兵陳啟邁所請酌調楚師之處能否分撥著曾國藩等妥籌兼顧江西兵力頓弱至此年餘以來所謂訓練者安在惲光宸係督辦大員趙如勝亦曾膺專閫若再不整頓全軍迅將吳城逆匪擊退或致省城復有震動朕不能爲陳啟邁宥尤不能爲惲光宸等曲從寬典也

咸豐五年正月丙戌

上諭軍機大臣等曾國藩等奏水陸剿賊情形並內河水師三獲勝仗各一摺此次我軍進剿梅家洲賊卡未能攻入小池口復先勝後挫是陸路尚未得手而水師銳氣過盛由湖口駛至姑塘以上長龍三板各船與外江師船隔絕雖四十里

之內賊艘肅清但江艦板重小船不能相輔以致逆氛頓熾
兩次被賊襲營辦理未爲得手曾國藩自出岳州以後均能
與塔齊布等協力同心埽除羣醜此時偶有小挫尚與大局
無損曾國藩自請嚴議之處著加恩寬免惟此時百餘輕捷
之船二千精健之卒均在鄱湖內河中阻賊卡雖胡林翼羅
澤南二軍業經調回九江亟應趕添民划以便運掉輕靈卽
蕭捷三等揆勦都昌之船亦須設法衝出俾內外會勦力破
湖口一關攻勦方有把握陳啟邁前此派往協勦之佈克慎
恩齡等兵勇本爲接應楚軍卽憚光宸吳錫光等亦應內防
腹地外籌協勦豈有坐聽蕭捷三等懸軍深入不爲援應之
理著陳啟邁嚴飭該帶兵官會合攻擊毋稍疏失曾國藩塔
齊布並須步步爲營層層相顧不得任令兵勇輕率愆事不

但外江與內河聲勢必須聯絡卽陸軍與水營亦須互相依輔免生他變方爲妥善

咸豐五年二月己酉

上諭軍機大臣等曾國藩塔齊布奏剿敗撲營賊匪並陳近日軍情一摺我軍圍剿潯郡因該逆撲營設伏誘陷得獲勝仗而九江郡城未復都昌匪黨又恃湖口黨援肆行占踞前此水師之陷入內湖者輕舟百餘精卒二千亦久與外江聲勢隔絕曾國藩恐兵心潰散馳往南昌省垣親自安輯已與陳啟邁商定將江省現造之長龍三十號調撥應用惟江湖水盛旣非巨艦不能壓浪若尚待鄱陽春漲始行衝出恐稽時日急宜與江西所撥船隻合力設法將支河賊艘剿淨駛出湖口以便與外江戰舸聯爲一氣則水陸會攻方能得力現

在水師已上援武漢塔齊布陸軍攻剿九江尤爲喫重陳啟邁擬造快蟹各船著卽派員迅速督辦以便與湖南師船會同出江吳錫光所帶兵勇旣難資堵截亦應另行籌撥藉壯聲威曾國藩續由楚省招募水勇亦恐有需時日必得將湖內長龍一百餘號速圖駛出與塔齊布陸兵會合迅殲醜類克復九江始能與武漢水師聲援聯絡所需軍餉並著陳啟邁就近隨時接濟爲要

咸豐五年四月丙午

上諭軍機大臣等曾國藩等奏陳水陸軍情一摺行兵之道合則力厚分則力薄自師船陷入鄱湖賊匪再擾武漢廣饒一帶復有賊蹤竄突該侍郎等水陸兩軍實有不能不分之勢現在金口一軍相隔雖遠昨據胡林翼奏由湖南添船募勇

兵威復振曾國藩若竟回剿楚北恐九江湖口小池口之賊勢必內犯江西而塔齊布陸軍亦無聲援至株守鄱湖徒糜軍餉自應乘此春漲由湖衝出惟出江後既未能遽合金口水軍復不能速剿安慶賊艇不如仍與塔齊布陸軍會合先行攻克潯郡再圖進取惟前此曾國藩師船遇風敗挫漂失多隻此時鄱湖師船出泊九江能否保護使無意外之虞惟在該侍郎酌度情形妥爲籌畫設或九江難以停泊而武漢情形更爲喫緊卽分兵應援武漢曾國藩仍帶兵船居中策應江面得此一軍亦足斷賊匪往來之路該侍郎所謂千里馳逐不如堅扼中段所奏亦不爲無見當此上下皆賊總宜計出萬全勿以浪戰失機勿以遲回誤事一切機宜朕亦不爲遙制該侍郎不可因挫失之餘遂至束手無策仍當激勵

軍士踴躍用命謀定後動勿負初心以副委任

咸豐五年四月己未

上諭內閣陳啟邁奏攻剿饒州賊匪大獲勝仗收復郡城一摺
江西饒州賊匪自竄踞郡城以來負隅抗拒四出擾害經陳
啟邁派令都司吳錫光等率領水陸兵勇前往攻剿三月二
十八日吳錫光派候選府經歷縣丞胡應奎等督率戰船沿
河進攻吳邦桂等帶領兵勇堵截山坳伏賊兼攻北門又令
石玉等各率兵勇四面合圍逆匪突出五大股約有六千餘
人蠶擁而來吳錫光率各路兵勇施放連環槍礮斃匪三百
餘名逆眾敗退我兵乘勢追殺入城該逆分爲七股拌死巷
戰我兵亦分九隊截擊殺賊一千二百餘名餘匪由東門逃
出分路奔竄卽將郡城收復此股逆匪自竄踞饒郡以後分

擾樂平德興弋陽等縣經吳錫光帶領水陸兵勇分路進攻大獲勝仗克復郡城辦理尚屬妥速著陳啟邁督飭吳錫光等乘此聲威移師都昌相機進剿以清江境

咸豐五年六月癸卯

上諭軍機大臣等曾國藩塔齊布奏水師獲勝一摺曾國藩等水陸兩軍必須聲勢聯絡方可得力自師船阻入內湖塔齊布一軍孤懸無助現聞賊勢猖獗而該處又無兵可撥甚爲可慮曾國藩固應速出湖口而此時姑塘青山一帶賊船蟻聚若非剿除淨盡則內患未除何以禦外著曾國藩督飭將弁先將湖內賊船盡力掃除方能出江與塔齊布會合至羅澤南一軍爲賊牽制未能卽歸九江著俟義甯剿辦得手後卽行調回與曾國藩塔齊布等併力會剿現在塔齊布兵力

稍單總須攻守兼施不得稍涉大意致損聲威此外江西省有無可調兵勇並著陳啟邁悉心籌畫酌撥前往塔齊布軍營助剿以壯聲勢而挫賊鋒或先克九江或先將鄱湖賊船悉數埽除則水陸兩軍可併而爲一庶幾逆氛漸就肅清不致如今日之掣肘矣該侍郎等務當通籌大局謀勇兼施以副朕望

咸豐六年正月乙亥

上諭軍機大臣等文俊奏江西各屬賊勢蔓延請飭催兵撥餉一摺江西逆匪久踞瑞州臨江分擾袁州吉安各屬賊勢披猖人心惶惑兵單餉絀固係實在情形文俊甫經到任於該省地勢軍情一時未能周悉現在萬分棘手之時儻布置稍疏難免貽誤曾國藩自抵江西爲時已久賊情亦所深悉此

時江西匪蹤幾欲蔓延全省既不能處處調兵又不能顧此失彼自應擇其最要之處先爲攻剿現在瑞州臨江袁州吉安四府究竟何處賊情最爲兇悍周鳳山一軍旣出新淦進兵自應急剿臨江瑞州以殄賊渠周汝筠一軍現阻泰和尤應設法疏通俾得迅抵吉安劉長佑一軍離楚後應由何路進剿方能扼要著曾國藩卽與文俊妥速會商務籌全局不可徒事張皇亦不可專顧一處軍情變幻靡常大勢所關應從何處下手則身在行閒者必能挈其綱領該侍郎與該撫酌度機宜卽著會同馳奏以慰廑念

咸豐六年四月癸丑

上諭軍機大臣等前因江西賊勢猖獗諭令葉名琛撥兵五六千名往援續復諭令將所撥官兵交提督崑壽統帶由贛州

一路進剿本日據廉兆綸奏九江兵勇撤赴撫州等處後南康郡城隨復失陷現在石逆雖已下竄而八郡悉爲賊踞逆氛甚熾大勢難支請於閩廣兩督臣中簡派一人或另簡大員馳赴江西統領各路援兵剿辦庶失守各城可期以次克復等語江西毗連六省形勢極關緊要現在賊蹤蔓延非迅速剿除則東南均難安枕惟閩廣督臣均膺海疆重寄未便遠離職守自應將各路援兵催集剿辦昨據葉名琛奏永安股匪竄入海豐提督崑壽因攻剿和平匪徒正在得手未便移師前往此時江西情形危迫自應移緩就急葉名琛於接奉諭旨後定已將所調精兵五六十名挑派齊全著卽遵照前旨交崑壽統帶剋日啟程由贛州一路進剿其和平剿匪卽著葉名琛派員接辦毋稍延緩崑壽啟程日期並著先行

馳奏其餘各路援兵據王懿德奏派撥漳州兵勇三千名交副將張從龍陳上國等統帶業已啟程胡林翼奏派撥湘營等勇四千一百名交曾國藩之弟曾國華統帶亦已由鄂啟程赴援湖南劉長佑一軍已克萍鄉進攻萬載昨復諭駱秉章飭令王鑫帶兵爲劉長佑等後路援應是各省大兵不日雲集失守各城當無難次第收復至廣饒兩郡未遭蹂躪守禦尤爲緊要仍著廉兆綸督同地方官將勸捐辦團等事實心經理以資保障

咸豐六年六月甲寅

上諭軍機大臣等昨因廉兆綸奏廣饒情形危迫已有旨令曾國藩等設法兼顧饒州保全廣信毋令與省城聲息不通本日復據奏稱饒郡於六月初五失守廣信萬分危急攻剿建

昌愈難鬆勁請將撥赴向榮軍營之閩省兵勇三千全數截
留以資分撥等語饒郡與省城撫州廣信壤地毗連現既爲
賊竄踞當防其四出滋擾儻由安仁餘干橫撲則省城道路
梗塞文報餉運無路可通卽撫建兩路進攻亦恐未能得手
著准其將張從龍所帶兵一千六百名專攻建昌陳上國所
帶兵一千五百名馳往廣信會合本郡練勇分防要隘仍卽
相機規復饒州以遏賊勢該侍郎等亦當統籌全局設法兼
顧一面趕緊攻克撫建一面酌撥兵勇與閩兵會合務將饒
郡及早克復庶不受逆賊牽制之患現在金陵勦匪正當喫
緊其由閩省續派琳潤等所帶兵勇一千四百名如過江西
境內卽飭迅赴金陵大營至昨諭福建添調兵二千名原爲
援應廣饒之用今廣信既截留兵一千五百名所有續調福

建兵二千名已諭王懿德等飭令馳赴向榮軍營江西毋得再行截留致滋貽誤

咸豐六年七月壬申

上諭內閣曾國藩文俊奏饒州失守旋經克復一摺江西饒州府城屢經逆匪窺伺曾國藩等飭布政使耆齡督率水陸各軍擇要扼防相機攻剿六月初一至初五等日在陳家嶺等處與賊接仗互有勝負賊眾分股撲城抄襲我軍後路遂由北門竄入經曾國藩等派令總兵居隆阿帶兵前往會合耆齡等水陸各軍於二十二日分路進攻水軍萬礮齊轟哨官楊占鰲首先登岸畢金科等兵勇如牆繼進燒毀賊營攻蹋沿河礮臺一座賊匪潰散我軍進克府城通計殺賊千餘名生擒八十餘名奪獲軍械無算當將府城克復辦理尚爲得

手所有出力將弁著准其擇尤保奏以示鼓勵

咸豐七年二月乙酉

上諭內閣曾國藩文俊奏官軍克復建昌武甯並楚軍收復瑞昌等縣城一摺江西自前年冬閒各府州縣多被賊陷經曾國藩等派撥兵勇分投剿辦上年十一月及十二月克復建昌武甯湖北李續賓一軍由大冶興國追賊東下將瑞昌德安二縣收復湖南劉長佑趙煥聯兩軍先後克復新喻永甯兩縣江西大局漸有轉機仍著曾國藩等激勵將士將九江等處合力攻剿趕緊收復毋稍延宕其克復武甯出力員弁兵勇著准其酌保數人以示獎勵

咸豐七年八月癸丑

上諭內閣耆齡奏官軍克復瑞州府城匪眾悉被殲滅一摺江

西瑞州逆賊因官軍圍攻緊急拚死抵拒道員吳坤修等率兵勇疊次大舉進攻礮斃偽將軍黃洸賊眾洶懼是夜城上更棚被火彈焚燒賊遂大亂副將普承堯親督弁兵緣梯登城分途剿洗餘匪由東門河沿竄逸復被伏兵殲盡統計斃賊二千數百人生擒數百名奪獲大礮百餘位器械無數當將府城收復該逆自五年冬閒竄踞瑞州官軍設法圍攻備恩辛勤所有尤爲出力之卽選副將普承堯著記名以總兵用並賞給扎薩克巴圖魯名號廣東南韶連道吳坤修著賞還花翎其餘在事出力員弁兵勇著耆齡查明保奏

咸豐七年九月丁未

上諭軍機大臣等駱秉章奏援剿江西各軍在太坪墟羅坊阜田等處疊獲勝仗各摺片本月十四日據耆齡奏報阜田賊

匪圖援臨江調集兵勇由峽江新喻分別迎勦此次駱秉章奏劉長佑等大獲勝仗轉危爲安臨江當可得手惟據稱探聞逆首石達開率黨數萬自安慶渡江竄居建德捕獲賊謀均有向該逆求援之說儻自浮梁趨饒州與撫建賊合則上游賊勢復張請飭福興嚴扼東路勿令竄越等語福興現已進軍弋陽擬由東鄉一帶進攻撫州自必籌及饒州後路俾建德之賊不能與撫建會合勦辦方有把握李定太一軍現由進賢進紉東岡李元度一軍現由貴溪進紉高阜著福興就近督飭速籌兼顧惟兵力尚恐不敷前據耆齡奏派吳坤修赴進賢與李定太之軍合成四千餘名又派李新華赴杜家園與周鳳山之軍合成四千餘名均分路進紉撫州普承堯一軍四千餘名俟阜田蕞事後卽赴撫建均由福興督率

調度以上兵勇諒已先後拔營現在東路情形喫重著耆齡卽飭帶兵各員迅速分路前進並著福興相機布置嚴防該逆率眾來犯至福興請調廣東官兵昨據葉名琛奏報已派總兵壽山帶兵二千名由汀州一路前進此項官兵如抵江西福興一軍兵力稍厚卽當會合速克撫建並嚴扼廣饒門戶毋誤事機

咸豐七年十月乙丑

上諭內閣官文等奏楚北官軍攻克江西彭澤縣並兩岸僞城一摺逆賊竄踞江西彭澤縣城負嶠抗拒經官文等飭水陸各軍進攻九月十七等日李續賓派隊同楊載福師船直抵彭澤縣境先攻北岸僞城巴克坦布等馬隊由橫壩直趨小姑山北岸楊得武由湖口縣直趨小姑山南岸都司楊明萬

礮船轟北岸僞城楊載福率戰船往下游進發李續賓親巡城外拔取木椿該逆出拒我軍迎戰斬騎馬賊三人餘賊退奔我軍佯退誘之該逆出數千人追撲李續賓排陣以待令各勇伏後馬隊從後抄擊該逆大敗我軍追殺數十里至急水溝楊載福戰船橫截殲千數百名餘賊竄逃楊載福追剿斬擒殆盡彭澤縣城內竄賊經楊明萬追殺無數李續賓與楊明萬以礮船擊南岸僞城水陸會攻城中火起賊遁窮追三十餘里並誘小姑山伏賊擒斬淨盡當將彭澤縣城收復並拔其兩岸僞城剿除小姑山賊壘此次楚北官軍水陸進剿辦理甚爲得手著官文等乘此聲威激勵將士迅克九江進攻安慶並由宿太節節掃蕩俟皖北一律肅清

咸豐八年二月辛酉

上諭軍機大臣等前因福興奏撫州進賢賊犯東路當經諭晏
端書飭饒廷選派兵前往廣信迎擊並令福興等催提壽山
援兵助剿本日據福興奏稱逆匪已竄踞河口鎮圖犯廣信
其另股由湖坊竄至鉛山該處與福建崇安縣接界並可東
由廣豐入浙之江山縣境分竄旁竄在在堪虞現在飛咨耆
齡及閩浙督撫撥兵防剿等語此股賊匪已竄至河口鎮廣
信情形喫緊雖經福興派令果勝等兵勇扼劄河鎮北岸兵
力尚單所有耆齡派出濟勝彰武等兵千餘名何以遲遲未
到著卽飭令星馳赴援其湖州鎮總兵壽山撥兵仍著福興
耆齡迅速催提前進福興現赴河鎮相機調度其饒廷選一
軍已到玉山卽著晏端書飭令嚴防賊匪東竄並撥勁兵馳
往廣豐以杜賊竄江山之路庶浙境可保無虞至另股賊匪

蔓及鉛山並與福建崇安縣接界前據王懿德奏福建江西
交界處所業已派兵防堵惟撫建賊勢方張廣東援兵久未
見到情形危急著王懿德酌量閩省如有可調之兵卽派得
力大員督帶一二千名或由邵武進剿建昌或卽由崇安取
道前進與江西兵勇聯絡一氣以分賊勢現在江南圍攻金
陵正當喫緊之際未必能分兵策應江西仍當由耆齡就近
迅撥兵勇前赴鉛山一帶以資援應毋得坐誤事機

咸豐八年四月壬戌

上諭內閣官文等奏九江克復逆匪盡數殲除一摺粵逆占踞
九江負隅久拒自湖口攻克以後官文等添募勁旅空濠合
圍並分水師十餘營駐守北面江岸賊援遂絕本年二三月
間李續賓督勇開挖地道晝夜攻擊轟塌城垣數次本月初

六等日水陸各軍分攻北門及東南一帶將弁等以梯登城用火轟塌一百餘丈伏勇城中內外衝殺殲賊淨盡並將偽貞天侯林啟榮偽元戎李興隆各賊目寸磔梟示共斃賊一萬六七千名九江府城卽於初七日克復其逃竄之賊亦經官軍概行截殺並無一名漏網剿辦實屬奮勇在事出力員弁兵勇著官文等查明擇尤請獎候朕施恩

咸豐八年五月癸巳

上諭內閣耆齡奏官軍進剿建昌逆匪獲勝收復郡城一摺逆匪占踞建昌府城卽選道張運蘭等督兵攻剿適南豐敗匪糾眾回竄經守城官軍勦洗淨盡張運蘭等一意進攻四月初九等日於磁圭赤家山地方分剿獲勝官軍節節進逼賊眾於新豐地方死拒二十三日被剿潰敗城內出援之賊復

被擊散官軍於二十四日收復郡城前後殺賊無算在事員弁等著有微勞自應量予鼓勵由江西派出員弁著耆齡查明保奏由湖南派往員弁著駱秉章查明保奏另片奏東鄉踞城之賊被候補知縣黃振成屢次擊敗於四月二十三日克復縣城等語所有在事出力員弁並著耆齡查明保奏

咸豐八年六月己酉

上諭內閣御史李希郊奏請飭查江西省被賊州縣懇恩蠲免錢糧一摺各直省偶遇偏災一經該督撫奏到朕必立沛恩施其被兵滋擾地方亦屢次加恩將應徵錢糧等項蠲免以恤民艱江西省各府州縣被賊竄擾已閱數年小民蕩析離居深堪憫惻現在九江撫州建昌等府先後克復地方漸次肅清惟念兵燹之後民困未蘇著該撫迅速查明被擾各州

縣應徵錢糧奏請分別蠲免用副朕軫念民依至意

咸豐八年八月戊辰

上諭內閣曾國藩等奏湖口九江建立祠宇請飭地方官春秋致祭一摺著照所請所有江西湖口石鐘山上建立水師昭忠祠九江府城建立塔齊布祠現在將次工竣卽著各該地方官照各府昭忠祠之例春秋致祭以褒忠節

咸豐八年八月辛未

上諭內閣耆齡奏克復吉安府城大概情形一摺江西省自瑞臨撫建等府城克復後吉安賊匪仍復負隅七月二十一等日曾國荃等四面環攻城內之賊屢次出撲均經水陸各軍擊退八月初十日趙煥聯等會攻北門遮克敦布自水東進攻南街是夜賊用木簞小划乘急流衝下曾國荃遮克敦布

江西北通元卷首各
三
等各戰船併力迎擊焚奪無遺十五日夜遂將府城克復吉
安被陷已久此次耆齡督飭各路兵勇迅速奏功辦理尚爲
得手竄逃餘匪仍著四面追剿毋令再有蔓延所有詳細情
形卽查明具奏其出力文武員弁並著擇尤酌保候朕施恩

咸豐九年三月庚寅

上諭內閣戶部奏請飭籌辦淮南鹽務酌擬條款開單呈覽一
摺淮南鹽課爲撥解大宗近年因長江梗阻經戶部議令就
場收課辦理數年稍有起色尚未能復舊額亟應設法籌辦
以裕課款著照該部所議如通泰各倉於適中之地駐劄武
職各員稽查出入以杜偷漏泰州總局及分局酌增兌銀淮
鹽侵越浙岸於京口等處地方設卡抽稅銀抵補浙課又事
務較簡各場鹽官酌量裁併又川淮各私由湖北闖入湖南

者必由岳州經過於該府設局抽稅其餘毗連川粵處所各設稅卡以防偷越江西饒州吉安建昌九江等府各於適中地方設局仿照湖北章程一律收稅所議均尚周妥各該督撫果能認真籌辦於鹺務餉需實有裨益著兩江總督江西湖南各巡撫悉心籌畫妥速辦理另片奏淮北代納協貼懸課綱運積壓未據奏報等語並著何桂清庚辰迅飭運司運判等實力督催卽將乙卯綱課額全完奏報覈銷並將臨淮等處各卡抽收鹽釐抵完協貼懸課數目一併造報丙辰綱各販停積之鹽亦著飭令設法營運完課毋誤要需

咸豐九年八月丁未

上諭內閣前因王慶雲奏江西商民在川捐輸請添設商學一摺當諭令禮部妥議具奏茲據禮部等部奏稱該督所請添

設江西商學暨在川省一體鄉試之處與例不符且恐易滋弊竇實屬窒礙難行著毋庸議惟該商人等踴躍輸將自應酌給獎敘著該督查明該紳商等原籍分隸何處按照所捐銀數加廣江西各廳州縣文武永遠定額及一次學額或總計銀數加廣江西鄉試一次中額如有所捐銀數不敷加廣學額者准其歸入該商原籍續捐銀兩併計覈算卽由該督妥議具奏再降諭旨

咸豐九年十一月戊辰

上諭內閣御史朱夢元奏請飭查江西省殉難士庶分別旌卹一摺江西省前經賊擾除陣亡員弁兵勇業經隨時請卹外所有各屬士庶人等捐軀殉難未報者尚屬不少現在全省肅清自應卽時查辦著惲光宸卽飭所屬各府州縣遴派公

正紳耆設局詳查限半年造冊申報分別奏咨旌卹毋令日久湮沒以彰節義而順輿情

咸豐十一年四月乙亥

上諭內閣曾國藩奏樂平等處剿賊獲勝地方肅清一摺本年二月間逆匪由鄱陽故縣偷渡昌江候補三品京堂左宗棠督兵迎擊由袁家灣太園石板橋直抵范家村連獲勝仗旋因景德鎮被陷拔營移劄樂平三月初五日賊至桃嶺塔前一帶連互十餘里左宗棠親督各軍開城迎擊殺賊四五千餘人陣斬黃衣賊目十餘名燒毀賊壘二十餘座統計前後轉戰三十餘日六獲大捷斬馘幾二萬人樂平浮梁鄱陽景德等處業已一律肅清左宗棠屢挫賊鋒實屬奮勇可嘉著發去白玉搬指一箇白玉喜字翎管一枝小刀一把火鏹一把

大荷包一對小荷包四箇交左宗棠祇領以示優獎其在事尤爲出力之按察使銜卽選道王開化著賞加布政使銜並賞給該員祖父二品封典知縣劉典著以直隸州知州遇缺卽選並賞戴花翎其餘出力文武員弁並著曾國藩查明保奏

咸豐十一年五月辛亥

上諭軍機大臣等御史華祝三奏請飭曾國藩速派勁兵赴江西省城等語粵匪闖入江西肆行竄擾除樂平浮梁祁陽等處肅清已據曾國藩奏報玉山廣豐撫州建昌廣信等城解圍吉安府新淦縣於失守後卽行克復已據毓科奏報外現在各屬匪蹤尚未淨盡曾國藩統轄該省且軍營餉需全賴江西接濟自應亟籌埽蕩以免餉源告竭南昌爲省垣重地

尤不可稍有疏失著曾國藩斟酌緩急應如何派撥官軍以及調撥江西原有官兵應援江西省城及將袁臨等處賊匪分別剿洗之處妥爲籌辦毋任延蔓

同治元年五月己丑

上諭軍機大臣等沈葆楨奏馳抵廣信並倡捐廉銀飭屬擇險築堡一摺據稱江常之賊雖經左宗棠痛剿潛遁惟廣郡地處必爭該逆垂涎已久亟宜未雨綢繆以杜窺伺現擬仿堅壁清野之法諭令該郡士民憑險築寨並倡捐廉金飭令地方官會同紳委各員周歷履勘擇要興修等語江西廣信一郡毗連浙閩爲左宗棠入浙各軍後路該逆屢圖竄擾以阻進剿之師現在皖南北諸軍連克堅城左宗棠復肅清江常進攻開化該逆被剿窮蹙難保不由浙閩之交回竄信郡以

圖牽制我師沈葆楨現已行抵該郡著卽將修寨築堡各事宜妥爲布置並責令地方官及委員紳士等擇要興修務期有險可恃眾志成城使賊入境無可擄掠則賊勢益孤賊糧易匱而官軍復分路要擊以收坐困之效方爲妥善惟堅壁清野之法在川陝著有成效江西省地勢民情各異尤當因地制宜變通盡善使民不擾其地方官及派出之委員等務須擇其愜洽民心之員與該郡紳民妥爲辦理毋致藉端擾民廣信爲該撫舊治一切地利民情知之必悉諒能斟酌盡善以慰廑念也

同治元年七月己酉

上諭內閣曾國藩奏江西省民困未蘇請將州縣攤補銀兩懇恩豁免等語江西省自軍興以來迭遭蹂躪現雖全省肅清

而民力凋殘元氣未復該省各州縣自道光二十五年以來
豁免清查各案內應行攤補各項銀兩節經前任督撫奏定
分限章程責令各該州縣按限完交而州縣籌補之法仍不
免借資民力甚或借奏攤名目科斂百姓腹削民膏殊非朝
廷體恤黎元勤求吏治之意所有江西省道光二十五年豁
免案內查出官墊民欠及攤補兵差經費等銀除已完外未
完銀九十六萬一千餘兩道光二十八年各州縣未完銀十
八萬一千餘兩咸豐元年豁免案內查出清查以前官墊民
欠銀六十六萬七千餘兩清查以後續墊民欠銀三十四萬
三千餘兩加恩均著全行豁免經此次豁免以後各該州縣
既無賠累之苦惟當激發天良整飭吏治年清年款源源征
解如有藉口民欠以致額征短缺者卽著該督撫查明嚴叅

治罪各該督撫亦當廉隅自勵于州縣無所濫取于民生自無所朘削大法小廉實有厚望所有江西省錢漕如何定立章程著曾國藩沈葆楨會同迅速妥議具奏

同治元年九月壬子

上諭鴻臚寺卿朱夢元等奏江西殉難士民未經旌卹請飭設局查辦等語江西各屬被匪蹂躪該地方士庶人等捐軀殉難者甚多實屬深明大義咸豐九年間曾經欽奉

諭旨飭令查辦迄今三年之久厯任巡撫並未彙案具報若再任其遷延必致日久湮沒著曾國藩沈葆楨卽便嚴飭各屬設局詳查分別奏咨請予旌卹以彰忠節而維風化

同治三年五月己酉

上諭內閣沈葆楨奏侍逆突犯撫州水陸各軍血戰解圍一摺

四月十五等日侍逆悍股越金谿犯許潛繼犯撫州之河東
灣猛撲東門均經按察使劉于潯督飭各軍擊退該逆復敢
輪番誘戰營官黃名揚等踞橋守卡發礮斃賊無數護贛南
鎮總兵普承忠撫州府知府吳祖昌等於城上連轟巨礮該
逆計窮而遁十八日復突起攻橋環喊城中內應冀亂我軍
劉于潯飭列陣以待該逆撲近槍礮並發斃賊極多餘逆遁
向金谿而去撫州城圍立解辦理尚爲妥速所有尤爲出力
之布政使銜署甘肅按察使劉于潯著以布政使遇缺題奏
仍交部從優議敘叅將施從善遊擊黃名揚均著以副將留
於江西儘先補用施從善並賞給揚勇巴圖魯名號黃名揚
並賞給鋒勇巴圖魯名號護總兵普承忠著交軍機處記名
遇有總兵缺出請旨簡放其餘出力員弁著沈葆楨擇尤請

獎陣亡之儘先叅將胡迪堂著照副將例議卹都司銜守備彭稱發著照都司例議卹千總賀長發方柏順把總趙洪勝徐友勝帥鳳元外委龍日勝田開勝均著交部從優議卹另片奏廣信府水陸各軍於四月初一至初五等日迭次擊賊於葉家灘龔家渡等處屢獲全勝擒斬甚多廣信廣豐兩城得以保全無恙出力之廣信府知府鍾世楨著賞加布政使銜候選道張岳齡著以道員留於江西補用其餘出力員弁勇丁並准沈葆楨擇尤保獎署弋陽縣知縣葉琳署弋陽汛外委劉步瀛前於克復弋陽縣隨同出力均帶重傷情尚可恕葉琳劉步瀛均著革職暫行留任以觀後效

同治三年五月己酉

上諭軍機大臣等沈葆楨奏侍逆突犯撫州血戰解圍並弋陽

克復廣信等處擊賊情形進攻南豐各摺片本日已明降諭旨宣示將劉于潯以布政使遇缺題奏並交部優敘其餘各員分別照所請獎卹矣侍逆由金谿犯撫州猛撲東門外之文昌橋經劉于潯等奮勇截擊賊仍敗回金谿撫州之圍遂解惟侍逆自撫州受創後循河而南圖窺建昌勢尚鴟張著沈葆楨督飭劉于潯等軍乘勝跟追擒斬首逆務將此股賊匪就地殄除毋令蔓延他境官軍圍攻南豐追至城下守備楊明發等奪門而入攀堞而登均經中槍殞命該縣城池未能卽復是否後隊不克繼進以致未能得手著沈葆楨檄飭席寶田韓進春等激勵各營迅復南豐縣城以期節節掃蕩僞王宗一股由新城瀘溪入金谿界以會侍逆林正楊一股由石城甯都折而西趨爲瑞金雩都興國兵練所擊南入福

建之甯化界陳炳文尚在弋貴之南鄉汪海洋於陳坊湖坊築壘尾隊出沒於弋鉛交界之黃沙港金壇句容竄賊復至德興江省羣賊如毛勢殊岌岌若非及早殄除於全局殊有關係著曾國藩統籌布置妥爲兼顧並飛催鮑超帶領所部迅速馳援江西毋再遲延王文瑞現紮永豐劉于浚已抵袁州應如何厚集兵力分路進剿之處著楊岳斌沈葆楨妥籌辦理江皖情形甚屬喫緊著楊岳斌懍遵前旨速赴該二省適中之地扼要駐紮力圖掃蕩精毅營陣亡之都司銜守備楊明發著照叅將例議卹守備銜千總李典發著照遊擊例議卹以慰忠魂

同治三年十月戊申

上諭內閣沈葆楨奏官軍追剿敗匪生擒首逆一摺幼逆洪福

瑱一犯前於江甯攻克時據擒賊供稱該逆積薪自焚嗣據左宗棠探明洪福瑱實已潛蹤逃竄迭經諭令各路跟蹤兜拏該逆被官軍追剿屢次敗衄由安徽廣德逃往浙江湖州復出竄安徽甯國昌化績溪自浙江遂安一帶遁入江西廣豐瀘溪官軍沿途躡追及於廣昌石城地方將各逆首斬馘殆盡幼逆尚未就擒席寶田一軍移紮石城派員帶隊搜拏九月二十五日遊擊周家良於石城荒谷中將洪幼逆拏獲該逆雖係洪秀全之子而么膺小醜漏網餘生亦不值檻送京師著沈葆楨卽將洪福瑱在江西省城凌遲處死以快人心沈葆楨自簡任江西巡撫籌防籌剿深合機宜浙皖賊匪屢次竄入江西均經調派兵勇次第掃蕩轉危爲安並生擒首逆殲除各巨酋實屬勦勞懋著著加恩賞給一等輕車

都尉世職並賞給頭品頂戴署浙江提督鮑超前在江楚皖三省勦賊卓著戰功此次督軍入江所向大捷雕剿東西兩路迭摧巨股連克堅城斬馘解散不下十餘萬賊眾聞風膽落遂能盡埽逆氛膚功立奏鮑超前因江甯克復甯都解圍先後賞給一等輕車都尉世職賞戴雙眼花翎加恩著錫封一等子爵以示優異記名按察使席寶田帶兵追賊迭獲勝仗並將首逆捕滅奮勇可嘉加恩著賞給雲騎尉世職並賞穿黃馬褂遊擊周家良搜獲洪福瑱等首甚爲得力加恩著賞給雲騎尉世職仍免補叅將以副將儘先補用並賞給猛勇巴圖魯名號知縣謝蘭階陳寶箴均著免選本班以同知直隸州知州不論雙單月卽選並賞戴花翎遊擊龔繼昌周得茂魏玉彩均著免補叅將以副將儘先補用龔繼昌並賞

給果勇巴圖魯名號屈得茂並賞給敢勇巴圖魯名號魏玉彩並賞給壯勇巴圖魯名號都司陳柏貴著免補遊擊以叅將儘先補用並賞加副將銜守備唐本有著免補都司以遊擊儘先補用並賞加叅將銜訓導唐家桐著免選本班以知縣留於江西補用知縣曾繼勳著以直隸州知州升用並賞換花翎其餘出力員弁兵勇著沈葆楨擇尤保獎候旨施恩

同治四年二月戊子

上諭軍機大臣等沈葆楨奏閩省踞逆竄動籌備邊防情形一摺福建龍巖州城克復後餘賊入漳平南陽汪逆竄上杭所屬之白沙地方沈葆楨已檄飭席寶田由石城劉勝祥由廣昌督隊西馳並調礮船上駛著卽督飭在防諸軍申嚴守備令吉贛戰船跟蹤上駛倘逆眾西趨卽行迎頭截擊前據該

撫奏請給假回籍省親當已降旨允准茲據奏稱邊防復行喫緊如前摺邀允仍暫緩回閩悉心調度實能視國如家深堪嘉尚沈葆楨卽著暫緩回籍俟江省防務稍鬆邊境無事再行回家省視該匪圖襲贛南窺伺兩楚湖南與江西交界地方防務亦關緊要李瀚章已簡授湖南巡撫著卽趕緊赴湘整頓防兵認真辦理未到以前石贊清暫護撫篆亦屬責無旁貸著嚴飭文武地方各員妥籌防剿不得視爲緩圖白沙地方左通潮州嘉應右達長甯會昌雖入粵入江蹤迹不定總當前截後追就地殄滅方爲妥善左宗棠務當督率各軍趕緊追躡勿任竄擾鄰封又滋延蔓潮嘉各屬瑞麟郭嵩燾卽飭李福泰等防軍認真防範如賊蹤竄近卽日越境兜剿以固邊防方耀一軍能否回顧並令酌度緩急妥籌兼顧

同治四年四月辛卯

上諭軍機大臣等孫長紱奏赴甘肅營叛逃派兵扼要堵截一摺另片奏江省地方緊要請飭催沈葆楨迅速來江等語前據官文奏霆營勇眾潰散行至咸甯逆謀始露當經諭令湖廣江西各省督撫派兵堵截茲據孫長紱奏已派總兵萬泰普承忠等各帶兵勇先赴義甯武甯扼守並檄記名提督孫昌國率領礮船巡防義甯河面又於鄱湖贛河分路布置截其竄皖竄閩之路所籌尚屬周妥第此起叛勇其中降眾甚多久經戰陣現既叛迹昭彰勢必鋌而走險武義偏近興國通山難保不乘虛竄突朝發夕至本日業已傳諭鮑超催令飛速來楚招撫至此起叛勇管帶入閩剿賊究恐緩不濟急孫長紱派出各軍務當檄令飛速到防遇賊卽擊不得稍涉

稽延致落後著至援閩霆字各營尤應防其煽惑著左宗棠等飭令其雲慶妥爲撫循駕馭鎮定軍心勿令生事閩省賊氛經各路官軍痛加剿洗長圍之勢漸成左宗棠等務當嚴檄各軍合力兜剿毋令回竄鄰疆致成延蔓江省地方緊要此時叛勇近在楚疆籌防尤急沈葆楨撫江數載素得兵民之心自應迅速回江籌辦防剿事宜以副眾望著左宗棠徐宗幹傳知沈葆楨毋庸俟百日假滿卽行前赴江省視事該撫平日公忠體國想必不瀆詞陳請也

同治四年五月乙未

上諭軍機大臣等孫長紱奏援閩霆營譁謀退回現籌撫馭一摺前因霆營抵鄂潰散生變迭經諭令湖廣等省督撫派兵扼截並將援閩霆營妥爲撫循毋令煽惑滋事茲據孫長紱

奏湖北叛勇已竄義甯州境內距新昌縣不遠現飭普承忠等迎擊援閩霆營鼓譟劫餉旋經婁雲慶撫定現由省局寬籌銀米妥爲安輯各等語叛勇已至新昌其爲圖由袁吉竄閩已可概見著孫長紱飭令普承忠等乘其喙息未定併力迎擊並飭劉于溥督飭水師嚴防贛河毋任偷渡左宗棠亦當預籌布置毋令此起彼叛卒由江入閩致滋延蔓援閩霆營因米糧缺乏譁謀劫餉雖經婁雲慶卽時撫定若非江省迅籌接濟亦無以救定軍心孫長紱當督飭省局寬籌銀米陸續接濟不得以省嗇從事致誤大局鮑超離營後霆軍叛逃譁潰之事層見疊出朝廷念其前勞未忍卽行加罪該提督宜如何感激圖報現在咸甯叛勇一意南趨婁雲慶所部各營退駐會昌白埠地方鮑超若再不迅速東下撫循約束萬

一潰勇勾結閩氛又成不了之局該提督自問當得何罪著
駱秉章傳知鮑超懷遵疊次諭旨剋日啟行星夜趨程前進
馳赴鄂省探明潰勇趨向分別招集遣散並迅赴江西統領
婁雲慶所部霆營入閩會剿力贖前愆倘敢遲延不進致令
釀成變亂必惟鮑超是問至鮑超帶兵出關剿賊之命疊經
有旨停止孫長紱可卽傳知婁雲慶宣布各營俾軍心得以
綏定不致別滋事端是爲至要官文前奏有派成大吉等追
截潰勇之語此時該勇已竄江境並著督飭成大吉等越境
跟追會合江省官兵前後夾擊毋得稍分畛域現在湖北境
內是否尚有叛勇滋擾並著查明具奏姜玉順所部九營前
據吳昌壽奏因轉餉多艱已令回防歸伍現在直東軍務緊
急自應厚集兵力迅殄狂氛著官文於接旨後卽飭姜玉順

統帶所部九營迅赴直隸山東交界地方聽候劉長佑閻敬銘調遣其行裝口糧等項官文卽日籌款給發不得以餉絀爲詞稍事遲玩東南軍事僅餘閩海一隅圍剿合宜可望盡殲醜類若霆營別有變局則逆匪乘機出竄必將餘燼復然左宗棠當妥籌兼顧防患未然不得稍分畛域貽患鄰省

同治四年五月己酉

上諭軍機大臣等李瀚章奏閩賊李汪兩逆人數眾多現分竄粵東邊界並有另股由福建永定上杭回竄江西之謠難保不勾結霆營潰勇乘虛內犯江楚邊界須有重兵堵剿若稍涉大意該逆或由建昌廣信一帶舊路竄入皖南則蘇浙餉源重地防不勝防等語前據李鴻章馳奏閩省官軍已將漳州克復其漳浦南靖平和雲霄各城該逆亦斷難久踞勢必

西竄江境希圖苟延且霆營潰勇亦有赴閩投奔髮逆之說現尚在銅鼓營一帶盤旋會昌縣駐紮之婁雲慶一軍前亦因索餉思潰雖經孫長絃籌解銀米勉強拊循此軍究未可深恃現在江省防務最關緊要左宗棠洞悉賊情素顧大局著卽迅撥得力勁兵繞出江西邊界合力兜圍務將李汪逆股就地殲除毋令闖入鄰疆致滋延蔓李鴻章派援閩省之郭松林楊鼎勳兩軍並著左宗棠飭赴江西湖南邊境以備迎剿而固腹地門戶李瀚章所調之趙煥聯等計已到防卽著嚴飭該員會同江軍將銅鼓營一帶叛勇殄除淨盡仍隨時確探閩賊消息嚴密防範以備不虞孫長絃亦卽督飭諸軍迅將霆營叛勇剋日剿除廓清腹地仍選派勁旅協同左宗棠派出之軍併力嚴防閩賊西竄毋稍遲誤

同治四年五月癸丑

上諭軍機大臣等孫長紱奏叛勇竄撲袁郡擊敗閩賊圍困永定派隊赴援一摺霆營叛勇攻撲袁州府城經官軍擊敗由萍鄉竄逸該逆裹脅已至萬人若由吉贛以趨閩粵恐與閩賊勾爲一氣剿辦更形棘手著孫長紱督飭派出之席寶田等軍會合成大吉等協力兜剿毋任滋蔓粵雲慶所帶霆軍由閩退回經王文瑞等湊放餉糈始行撫定而汪海洋等逆復回竄永定與李世賢等股合圍老湘營城內米糧缺乏外無援師其分紮城外之湘軍八營亦被圍撲折傷無數情形危急萬分粵雲慶赴援之軍能否得手尚無把握倘該逆擁眾西趨則由閩竄江又將不可收拾著左宗棠迅飭漳州得勝之師馳赴永定上杭救援截擊力解城圍仍遵昨日寄諭

繞赴江西邊境盡力兜圍毋任擾及完善孫長紱並飭席寶田趕將叛勇撲滅回紮瑞金一帶以資扼守撫建防兵關緊至要並飭劉于溥水陸各軍嚴密布置無少疏虞其曾國藩派往江西之劉連捷等軍並卽趕緊迎提藉資戰守賊旣由大埔回竄粵東方耀等軍能否分援永定以勦爲防著瑞麟郭嵩焘妥籌調度仍當慎固封守方爲妥善

同治四年六月甲寅

上諭軍機大臣等孫長紱奏逆匪竄擾長甯縣境旋經官軍擊退一摺興甯逆匪竄入江西長甯縣境之留車墟經江軍擊退賊向廣東龍川縣上坪墟一帶竄去銓字營隨同周寬世等力戰卻賊不無微勞足錄著准孫長紱擇尤保獎毋許冒濫前因瑞麟等奏平遠縣境肅清康逆仍踞鎮平縣城當經

諭令調集各軍分路進剿迅殲醜類現在賊眾數萬麇聚龍川毗連鎮平與定南龍南相距均不甚遠霆營叛勇若與合股賊燄益張設被往來竄越則剿辦更形棘手孫長紱已飭席寶田周寬世等軍合力堵禦卽著督飭該臬司等以剿爲防毋任該逆繞越王開琳一軍新湘營旣須整頓老湘營何以亦有索餉爭鬧情事著左宗棠等迅速籌發該營餉項以固軍心孫長紱卽飭王開琳趕緊整頓隊伍刻日到防由贛州一路督軍前進與粵軍併力夾擊共殄窮寇粵境逆氛正熾著瑞麟郭嵩燾懍遵前旨催調各省援軍會合本省之兵四面兜擊迅拔鎮平縣城翦除巨憝毋令賊蹤紛竄更益蔓延

同治四年七月乙亥江西巡撫劉坤一奏報起程日期

并附陳越境會剿

上諭該撫所奏各守各疆未免勞師糜餉且恐防久生懈亟須會合閩楚各軍越境圍剿等語極合機宜與歷次寄諭閩浙江西各督撫諭旨均暗相脗合著於到任後約同各該省督撫分路進兵合力圍攻以期一鼓作氣克竟全功

同治四年九月己卯

上諭軍機大臣等劉坤一奏賊匪竄入江境迭擊獲勝現經由省剿辦情形一摺汪逆大股由鎮平竄出盤踞羅浮司擾及江西長甯縣之篁鄉堡經周寬世等分路迎擊獲勝賊蹤改竄定南復經婁雲慶等擊敗現由定南竄撲龍南勢尚鴟張劉坤一已帶親兵馳往贛州督剿卽著督飭將士迅籌堵遏毋任闖入江西腹地左宗棠有節制三省之責務當派兵越

境夾擊不可稍涉延緩鎮平一帶是否尚有餘匪並著瑞麟郭嵩燾實力搜捕毋留餘孽南韶一帶兼須嚴防回竄賊蹤飄忽異常恐其西竄湘省著劉坤一飛速咨照李瀚章一體嚴防其出力之將弁准其併案保奏陣亡之擬保遊擊銜都司陳慶福著照遊擊例議卹都司謝登科張坤能把總瞿明東劉大發均著交部從優議卹

同治四年十月壬辰

上諭軍機大臣等劉坤一奏湘軍追殺竄賊定南龍南擊退撲城股匪並精毅營扼剿大勝先將尤爲出力各員開單請獎一摺本日已明降諭旨將席寶田以布政使遇缺題奏其餘出力陣亡各員均照所請獎卹矣逆匪由青龍等墟敗竄後土開琳一軍復追及於白水渡斬馘千餘其前股竄至天花

寺下厯墟圍攻橫岡營城並分股直撲定南廳城經同知王大枚會督兵勇擊敗斬擒甚多餘逆悉竄龍南徑撲縣城復爲知縣王家傑等會軍擊退席寶田先期馳抵贛南鐵石口一帶扼剿連日督軍鏖戰汪逆背受矛傷幾被擒獲並殲除悍賊萬餘該逆再竄龍南圍攻縣城復經官軍出剿該逆精銳殆盡現在賊眾不過三萬餘人復由江西敗回粵境輾轉於和平連平境上勢已萬分窮蹙亟應會集諸軍實力兜剿爲一鼓聚殲之計著左宗棠仍遵二十八日諭旨迅赴江西擇要駐紮居中調度檄飭各軍剋期會剿並著劉坤一飛檄席寶田王開琳等軍越境進攻乘勝痛擊迅殲醜黨該逆自鎮平克復後從西南折竄長甯閩軍窮追數晝夜而粵東曾未聞有一騎一卒躡賊追剿殊屬玩延此次該逆被擊勢窮

復由江竄入粵境餘眾尚有三萬餘人難保不鋌而走險復逞狡謀瑞麟郭嵩燾既無會剿之師嚴扼邊境豈得復以驅賊入粵爲辭諉過鄰封著瑞麟郭嵩燾嚴飭粵東在防諸軍與江閩官軍相機聯絡協力夾擊務將此股竄匪悉數殲除以靖地方倘不能實力堵截致該逆深入腹地復形蔓延瑞麟等自問當得何罪

同治四年十月庚申

上諭軍機大臣等劉坤一奏粵東上坪踞逆宵遁和平現飭各軍東馳截擊並催鮑超督師進剿各摺片覽奏均悉汪逆敗回連平州之上坪等處經席寶田等軍分路夾擊該逆始竄龍南之分水坳爲團練擊退遂於十月初九日夜糾黨由泐頭竄往和平劉坤一現飭席寶田王開琳劉勝祥越境會剿

並令黃少春一軍迅赴長甯節節設備力扼該逆紛竄之路
所籌均尚周妥著劉坤一嚴檄各軍會同閩粵官軍分路進
剿協力兜擒爲一鼓聚殲之計瑞麟郭嵩燾務當督飭在防
將士嚴密堵禦遇賊卽擊迅殄逆氛毋得專待客兵致誤戎
事該逆奔突無定難保不由平遠鎮平以犯汀州應如何扼
要設防杜賊回竄著左宗棠徐宗幹妥籌辦理鮑超不日卽
可到贛現在汪逆東竄和平江省定南長甯會昌等處正在
堵剿喫緊之際卽著劉坤一知會鮑超統率婁雲慶等軍星
速前進視賊所向疾馳痛剿鮑超新募四營應需餉項並著
劉坤一督飭藩司竭力籌撥俾資接濟至該營所開新糧公
費等項與湘楚各軍月餉數目多有參差應如何覈實支放
以歸畫一之處著咨明曾國藩妥商辦理

同治五年三月丙寅

上諭軍機大臣等劉坤一奏江省各軍酌定留撤並暫留席寶田軍防剿閩匪及籌濟各省協餉一摺福建崇安縣齎匪於二月十五日焚搶釐卡戕官踞城十八日已竄至江閩交界之大安地方肆行焚掠劉坤一已飭席寶田由吉安酌撥所部兼程馳赴該處相機截擊卽著嚴檄該軍迅速前進越境攻剿並著左宗棠徐宗幹遴派官兵乘賊匪初起之時鼓行而前會合江省官軍兩面夾擊迅圖埽盪毋任日久蔓延前據鮑超奏所部新舊馬步各營每月需餉十三萬一千有奇請飭江西按月籌撥等語當經諭令官文曾國藩酌度情形奏明辦理茲據劉坤一奏江省兵燹之餘度支久匱目前勻撥京協各餉已形拮据勢難全數接濟擬每月協濟該軍餉

銀四萬兩按月解赴曾國藩糧臺等語所陳亦係實在情形
卽著咨商官文曾國藩妥商籌辦酌定數目具奏席寶田帶
兵向稱得力齋匪辦竣之後自應督率所部入黔剿賊以解
倒懸未便遽准請假劉坤一當傳知該臬司勉力圖功以副
委任

同治五年五月丙寅

上諭軍機大臣等左宗棠徐宗幹奏官軍越境剿辦齋匪殲除
淨盡一摺齋匪黨與盤踞封禁山內歷有年所地方文武總
未能實力搜捕每至聚眾滋事現雖將崇安戕官股匪殲除
而餘黨潛伏山內傳習邪教藏匿尚多劉坤一現已派席寶
田一軍前赴河口駐紮左宗棠亦派張樹荃駐軍崇安以備
會剿著卽乘此聲威飭令帶兵各員會合兩省兵力分赴封

禁山內實力窮搜務將積年潛匿匪徒悉數捕戮以期一勞永逸不得以山徑險阻畏難中止草率了事致貽後患並著劉坤一選派賢能地方官編查保甲隨時曉諭該處百姓毋爲邪說所惑以靖盜源

同治五年五月丁亥江西巡撫劉坤一奏派委道府大員前赴各屬查辦齋匪並席寶田一軍悉數撤遣另行募勇以備調撥

上諭辦理保甲查拏齋匪惟在督飭各員認真督辦毋得敷衍了事並飭令段起將封禁山確查搜剿以絕根株其何明亮等募勇到時並著勤加操練以資得力

同治五年八月丙辰江西巡撫劉坤一奏搜查封禁山並無齋匪藏匿廣信等府舉行保甲龍南縣剿除積匪

上諭覽奏均悉封禁山內既據段起查明俱係耕種棚民並無匪類著照該撫所奏俟閱兵之便進山查勘如果可以弛禁卽行會同閩浙總督奏明辦理贛甯民氣强悍仍當督飭地方官認真彈壓毋稍鬆勁

同治九年十一月辛丑

上諭內閣劉坤一奏稱江省地丁錢糧從前名爲遵例一正一耗實則收錢不止二千四百文收銀不止一兩五錢軍興以後酌減每地丁一兩改爲收銀一兩五錢通省一律照辦若徒博遵例之虛名恐蹈浮收之故轍所奏自係實在情形惟該省當兵燹之後民間元氣未復地方大吏當體念民艱力除積弊著劉坤一督飭所屬各地方官於明定征收確數之外不准絲毫任意加增以副朝廷軫念閭閻至意

同治十二年四月癸酉

上諭軍機大臣等左都御史胡家玉奏江西省額外加征地丁銀兩請飭裁革一摺據稱江西省錢糧定例征銀一兩隨征耗銀一錢今每兩加征銀四錢顯違定制請飭永遠裁革不得再立捐款公費名目等語各省地丁錢糧均有定額若如該左都御史所奏是該省州縣於正額之外違例加征民間受害何可勝言亟應速爲禁止著劉坤一嚴飭所屬州縣等恪遵定例不准絲毫浮收如查有私立捐款公費名目額外加征者卽著嚴行叅辦另片奏該省漕米一石折收銀一兩九錢除解部款外提充捐款公費及州縣辦公之用爲數已多復又分爲三限每限每石各加銀三錢全給州縣辦公深恐虛報收數徒飽私囊弊端不少請旨裁禁等語著劉坤一

一併查明將應行裁革者速爲禁止並著嚴飭各州縣認真辦理毋得稍有徇庇

同治十二年七月丙子

上諭前因左都御史胡家玉奏江西省錢糧違例加徵請飭裁革並不得私立捐款公費名目等語當諭令劉坤一嚴飭所屬州縣恪遵定例不准絲毫浮收如查有私立捐款公費名目額外加徵卽著嚴行叅辦嗣據劉坤一奏據實直陳丁漕改章實在情形請仍照新章辦理當經允准仍諭令隨時認真稽查倘有絲毫浮收卽行從嚴叅辦茲復據胡家玉奏瀝陳江西省違例加徵各弊請仍飭部核議等語著戶部按照該左都御史所陳各節及江西省現在情形應如何辦理始終妥善之處悉心酌核妥議具奏至所稱請嚴飭各州縣不

得將上司之供應道府之漕規節壽諸陋規巧立辦公名目
取之於民等語著該撫仍遵前旨嚴飭所屬認真革除以維
政體而恤民生

光緒二年十二月十八日

上諭國家深仁厚澤浹洽寰區宵旰焦勞勤求民瘼凡遇水
旱偏災一經督撫奏報無不立沛恩施冀紓民力各直省
自遭寇亂戶口凋殘元氣未能盡復民生疾苦深宮時切
隱憂本年直隸山東河南江蘇安徽等省亢旱爲災江西
福建浙江等省復遭水患飢民顛沛流離尤堪矜憫各該
地方官宜如何仰體朝廷德意竭力撫綏惟循良之吏盡
心民事者固不乏人而不肖州縣假公濟私罔恤民艱者
亦所不免甚至骫法營私違例苛派或匿災不報民隱未

江蘇通志卷之四
能上達或蠲緩錢糧朦混徵收小民不能均霑實惠種種情形殊堪痛恨著各該將軍督撫府尹破除情面認真查察如有前項情弊立即嚴叅懲辦務使閭閻共沐恩膏得安生業用副軫念民依至意至民教同爲朝廷赤子初無歧視著各該將軍督撫府尹飭令各屬遇有爭訟案件務當持平訊辦但分曲直不分民教早爲了結毋得稍執偏見日久稽延轉致兩相拖累將此通諭知之

光緒三年二月初三日

上諭御史嵩林奏敬陳管見一摺所陳墾荒田禁械鬪慎舉劾整營規各條均經疊諭內外臣工實力奉行埽除積弊無如日久生懈往往視爲具文東南各省招墾荒田大半有名無實該省督撫務宜督率各該地方官隨時查察出

示招墾酌給牛具籽種照例定年分升科如查有勒索苛派等情卽著嚴行懲辦閩粵江西等省民情多悍械鬪成風該督撫尤宜隨時化導遇有此等案件飭令該地方官密速查辦秉公訊結以息爭端州縣爲親民之官得人則治各省大吏當隨事詳加考察秉公舉劾用示勸懲不得僅以虛辭具奏以昭核實營規亟宜整頓現在各省留防勇營尚多難保無缺額糜餉情事著各省督撫力除浮冒認真訓練以期營伍整肅綏靖地方

光緒四年三月二十七日

上諭前據御史歐陽雲奏請將江西省灑入錢漕內之節壽陋規嚴飭裁革當諭令劉秉璋查明革除茲據奏稱江西丁漕同治元年經原任兩江總督曾國藩奏明額定收數

豁免攤捐禁革陋規酌定捐款公費以爲正本清源之計
同治十二年前任江西巡撫劉坤一因銀價昂貴遵照部
議酌定錢數並非灑派節壽陋規迄今年久官民相安若
遽改定章舍明示限制而不遵恐從前諸弊由此復起必
至重困閭閻等語該省現在徵收丁漕旣係官民相安自
不宜徒事紛更轉滋流弊著照所請將江西地丁漕折仍
照同治十二年奏定錢數徵收至節壽等項陋規著該撫
隨時嚴查認真禁革倘有私送私受情事或經徵丁漕於
定章外有絲毫浮收者卽行從嚴叅辦不得稍涉徇隱

江西通志

卷首之五

訓典
蠲卹

順治元年

詔明季加派三餉召買津糧概予豁免

順治三年

旨江西疊被旱澇將三年分漕米除已開幫解京外餘悉豁免

順治十一年

詔順治六七兩年地丁本折錢糧積欠在民者悉予豁免

順治十三年

詔順治八九兩年地丁本折錢糧積欠在民者悉予豁免

康熙三年

詔順治十五年以前民欠銀米藥材綢絹布匹等項錢糧概行豁免

康熙四年

詔豁免順治十六十七十八等年民欠錢糧

康熙二十三年

恩詔江西等省自用兵以來供億煩苦宜加恩卹二十四年所運漕糧著免三分之一自十三年至二十二年積欠漕項錢糧著自二十三年起每年帶徵一年

康熙二十七年

諭康熙十七年以前民欠漕項銀及米麥均著豁免

康熙三十年

諭湖廣江西浙江江蘇安徽山東應輸漕米自康熙三十一年

爲始以次蠲免一年 免南昌等五府自二十二年起至二十七年止累年積欠分年帶徵錢糧 免吉水縣二十七年以前民欠地丁銀

康熙三十一年

旨九江府屬瑞昌縣自洪下源頭起至烏石止沙石堆積及水決田地七頃九十七畝九分零蠲免三十年分應徵錢漕
旨永甯縣水決田地蠲免三十年分應徵錢糧

康熙三十八年

旨進賢武甯等州縣田畝盡在山中蓄積亦少舊逋新欠難以並徵將三十五六等年未完民欠銀於三十九四十年帶徵
康熙四十五年

諭免江西省康熙四十三年以前未完地丁錢糧

康熙四十九年

諭天下錢糧自明年始於三年以內通免一周

江西輪免在五十二年凡總免

天下地畝人丁新徵舊欠三千八百六萬四千六百九十七兩有奇

康熙五十二年

恩詔嗣後編審增益人丁止將滋生實數奏聞其徵收辦糧但據五十年丁冊定爲常額永不加賦

雍正元年

諭恩詔議免各省錢糧部議舊欠銀米應准蠲免者自康熙十八年至四十五年止著加恩將五十年以前舊欠銀米等項均查明豁免

雍正八年

諭江西湖北湖南三省著將雍正九年錢糧各蠲免銀四十萬

兩

雍正十三年九月

諭直省錢糧於恩詔蠲免外將雍正十二年以前實在民欠者一併寬免

乾隆七年

諭江西巡撫奏報贛州吉安南安三府廳屬州縣有被水較重之處雖係偏災而被水之民未嘗有偏全之別著該撫於被水地方將應徵錢糧先行出示緩徵然後查勘照例蠲免興國甯都瑞金萬安龍泉等縣夏被水災淹斃人口衝倒房屋大口每口給銀一兩五錢小口每口八錢瓦房每間給銀八錢草房五錢

乾隆九年

旨江西玉山縣五六月早禾被旱勘明田地係止種一季應照秋收之例所有應徵賦銀准按分數蠲免

乾隆十年

諭直省應徵乾隆十一年錢糧通行蠲免

議除蘆課漕項例不蠲免外地丁錢糧二

千八百二十四萬餘兩
江西輸免在十三年

諭各省蠲免正賦之年若有未完舊欠著一併停其徵收

乾隆十七年

諭江西南康九江廣信饒州四府屬上年秋成歉薄經冬及春雨雪嚴寒糧價益貴朕心深爲軫念著該撫速行妥協籌辦或就近動撥倉糧大爲減價平糶或卽賜以一月賑卹總不必拘定勘不成災常例務使窮黎得續饗飧不致失所

乾隆三十一年

諭湖廣江西浙江江蘇安徽河南山東應輸漕米著照康熙年

閒之例於乾隆三十一年為始按年分省通行蠲免一次

議江

西之南昌饒州廣信南康四府屬於三十三年蠲免瑞
州臨江吉安撫州建昌贛州六府屬於三十四年蠲免

乾隆三十二年

諭德化湖口彭澤南昌九江等縣衛應徵蘆課一體蠲緩

是年江西

巡撫吳紹詩奏蘆課一
例蠲緩先經戶部議駁

乾隆三十五年

諭自乾隆三十五年為始將各省應徵錢糧通行蠲免一次

議定

額銀共二千七百九十四萬兩
有奇江西輪免在三十六年

乾隆四十二年

諭著再加恩自戊戌年為始普蠲天下錢糧仍分三年輪免

議定

額銀共二千七百五十九萬兩
有奇江西輪免在四十四年

乾隆四十三年

諭著自庚子年為始普免天下漕糧一次

議定五十年免江西之南昌饒州南康廣

信四府屬五十一年免瑞州臨江吉安撫州建昌贛州六府屬

乾隆四十九年

諭南昌等六縣被水田畝收成歉薄所有應徵錢糧俱著分年

帶徵

乾隆五十五年

諭將乾隆五十五年各直省應徵錢糧通行蠲免

議定額銀共二千七百七

十餘萬兩內五十六年蠲銀九百五十八年蠲銀九百

一十四萬六千餘兩

乾隆五十九年

諭所有六十年應徵錢糧著再加恩普免一次

議定八省漕糧分作五年輪免

乾隆六十年

諭著卽將嘉慶元年各直省應徵錢糧通行蠲免

議照「戶部統計三年一

律蠲免

嘉慶四年

諭乾隆六十年以前各省積欠緩徵地丁正羨及民欠籽種口糧漕項銀兩並積欠緩徵民欠米穀草束等項應徵者尚復不少著該部通行各省詳悉查明普行蠲免

嘉慶五年

諭南昌新建豐城三縣被水田畝應徵嘉慶五六兩年新舊錢漕俱著緩至來歲秋收後分作兩年帶徵進賢一縣上年雖未被災現在低田被淹收成歉薄著加恩將被水田畝應徵本年錢漕一體緩至來年秋後徵收甯都廣昌等處上年

偏隅被水著再加恩將被災九分極貧者展賑兩月次貧者展賑一月以資接濟

嘉慶七年

諭緩南昌瑞州臨江吉安撫州建昌廣信饒州南康九江十府屬本年未完錢糧建昌等縣帶徵錢漕並著按年遞緩以紓民力

諭江西省南昌瑞州等府屬各州縣上年水旱成災地畝節經降旨分別蠲免並撥給鄰省米石以資接濟小民自不致失所第念東作未興之時貧民尚無營趁現據該撫奏明分設粥廠於上年十二月初一日起至本年正月十五日止照例散放著再加恩將南昌等府屬各州縣現在官設粥廠展限一個月俾該處無業窮黎倍資果腹此外有須減價平糶及

應借籽種口糧之處著該撫隨時妥協經理

嘉慶九年

諭江西省濱臨江湖各縣被淹田畝惟德化縣之桑落赤松二鄉成災七八分不等其南昌新建等縣低田閒有被淹高田仍屬有收勘不成災被水之初卽經降旨諭令撫卹酌給一月口糧茲據查明成災稍重著再加恩將該縣之桑落赤松二鄉按成災分數於隆冬時再行照例給賑以資接濟至南昌新建豐城進賢鄱陽餘干星子瑞昌宜黃等九縣著加恩將被淹村莊新舊錢糧漕米緩至來年秋後帶徵仍俟冬春之間察看情形如有應借給口糧之處再行奏明辦理

嘉慶十年

諭德化等縣田畝被淹節經降旨分別蠲緩賑濟酌給口糧亦

松桑落二鄉著加恩再行展賑一月以資接濟其南昌新建豐城進賢鄱陽餘干星子瑞昌宜黃都昌建昌湖口彭澤永豐十四縣俱著一體借給籽種口糧以資耕作

諭上年江西濱臨江湖各屬圩隄閒被衝刷殘缺此項圩隄向係民間自行修築但上年該處秋收歉薄民力不無拮据著將南昌新建進賢等縣各圩隄所需修費一萬九千七百餘兩准其於藩庫正項內借動各按工程大小給令圩業人等趕緊修築一律完固並加恩將此次借給銀兩分作八年隨同地丁帶徵還款以紓民力

嘉慶十一年

諭江西南昌等縣上年被水曾降旨加恩將新舊錢漕緩至來年秋後帶徵嗣據該撫題請將各該縣六七兩年錢漕遞緩

至十一十二年帶徵著加恩將原題各該縣六年地丁銀二千九百三十四兩零漕米四千二石有零准其遞緩至嘉慶十二年帶徵

嘉慶十四年

五旬萬壽恩詔直省坍沒田地錢糧仍相沿追納者查明豁免從前各省偏災地方所有借給貧民籽種口糧牛具等項實係力不能完者恩予蠲免

諭江西南昌新建豐城三縣先於六月中旬因上游得雨山水陡發最低處所消退較遲不及補種晚禾並有水衝沙淤田畝一時未能挑復著加恩將南昌縣最窪地一千三百八十頃零新建縣最窪地六百四十三頃零豐城縣最窪地一千三百二十七頃零本年應徵錢漕及借給籽種穀石緩至來

年秋後徵收帶徵上年錢漕並著遞緩

諭上年江西南昌等九縣低窪地畝被水歉收業經降旨緩徵
今春青黃不接之時著加恩將南昌新建豐城進賢鄱陽餘
干星子建昌德安等九縣被水窮民酌借籽種口糧以資接
濟

嘉慶十五年

諭江西南昌府屬之南昌新建豐城三縣秋禾本屬豐稔惟濱
江低田因上游水漲江流宣洩不及已穫稻穀猝被漂失未
穫晚禾亦被漫淹雖就通邑核計不過一隅之中一隅若將
新舊錢漕同時並徵究恐民力稍形拮据著加恩將該三縣
所有帶徵十二年緩徵錢漕並帶徵十三十四等年出借之
籽種穀石緩俟來年秋收後再行徵收

嘉慶十六年

旨緩義甯奉新武甯建昌安義德安瑞昌等七州縣被旱成災
本年民屯錢漕暨屯餘各款銀兩

嘉慶十七年

旨緩南昌新建豐城清江新淦廬陵泰和萬安等八縣被水成
災本年錢漕

嘉慶十八年

旨緩廬陵泰和清江新淦豐城等五縣被水成災本年錢漕帶
徵銀米

嘉慶十九年

旨緩南昌新建豐城等三縣星子都昌建昌安義德化德安瑞
昌彭澤等水旱成災本年民屯錢漕遞緩帶徵銀米

嘉慶二十一年

旨緩清江廬陵二縣旱災錢漕

嘉慶二十二年

旨緩德化縣被水成災本年錢糧星子德安二縣寄莊屯田屯餘等款

嘉慶二十四年

六旬萬壽恩詔免嘉慶二十二年以前各省民欠錢糧

嘉慶二十五年

旨緩奉新武甯靖安新昌清江新淦新喻峽江永豐都昌建昌安義瑞昌等十三縣被旱成災本年民屯錢漕又豐城上高廬陵吉水泰和安福德化德安湖口彭澤等十縣分別緩徵本年民屯錢漕

道光二年

旨緩瑞昌縣被水成災本年民屯錢漕遞緩帶徵各款

道光三年

旨德化縣封一封二桑落赤松等鄉被災較重查照分數分別蠲免本年田賦蠲贖錢糧暫緩起徵仍籌款撫卹加給賑濟借發籽種緩南昌新建進賢鄱陽餘干萬年星子都昌建昌德安瑞昌湖口彭澤等十三縣水災本年錢漕

道光六年

旨緩蓮花萍鄉永新宜春安福廬陵分宜等七廳縣被水成災本年錢漕仍籌款撫卹衝場房屋動項給修又南昌吉水新喻等三縣被災稍輕分別遞緩

道光七年

旨緩南昌新建豐城進賢清江峽江廬陵泰和萬安龍泉安福
餘干建昌德化湖口彭澤等十六州縣被水成災本年錢漕
屯餘蘆課

道光十一年

旨緩南昌新建豐城進賢高安新昌宜春萍鄉萬載鄱陽餘干
萬年星子都昌建昌安義德安瑞昌湖口彭澤等二十州縣
被水成災德化縣封一封二桑落赤松等四鄉暨九江府同
知衙門所轄民屯田地蘆洲被災較重分別蠲緩遞緩南昌
新建進賢鄱陽餘干星子建昌德化德安湖口彭澤等縣酌
加撫卹借發籽種德化縣被災較重之區復予加賑湖口彭
澤二縣衝塌房屋給予修理銀兩

道光十二年

旨緩南昌新建進賢湖口彭澤等五縣被水成災豐城星子都
昌建昌安義鄱陽萬年等七縣被旱成災及南昌新建進賢
三縣本年錢漕從前各項帶徵錢糧概予遞緩餘均遞緩帶
徵錢糧

道光十三年

旨緩南昌新建進賢湖口德化豐城清江新淦峽江廬陵吉水
泰和萬安鄱陽餘干萬年星子都昌建昌德安瑞昌彭澤等
二十二縣被水成災本年錢漕帶徵錢糧均予遞緩德化縣
封一封二桑落赤松四鄉民屯錢糧暨九江府同知所轄蘆
課地畝被災最重南昌新建進賢湖口四縣被災亦重分別
蠲免南昌新建進賢鄱陽餘干星子建昌德化德安瑞昌湖
口彭澤等縣酌籌無卹借發籽種加賑南昌新建進賢等縣

江西通志卷五
十
災重之區

道光十四年

旨緩南昌新建豐城進賢清江新淦新喻峽江廬陵吉水泰和
萬安鄱陽餘干萬年星子都昌建昌安義寄莊德化德安湖
口瑞昌彭澤等二十四縣被水成災本年屯餘錢漕蘆課帶
徵各款並予遞緩南昌新建進賢清江峽江星子德化湖口
等縣暨九江府同知所轄蘆地被災較重分別蠲免南昌新
建豐城進賢清江峽江廬陵吉水泰和萬安鄱陽餘干星子
都昌建昌德化德安瑞昌湖口彭澤等縣酌籌撫卹借給籽
種加賑南昌新建進賢星子德化湖口等縣災重之區

道光十五年

皇太后六旬萬壽恩詔免道光十年以前民欠錢糧

旨緩上高星子都昌建昌東鄉進賢清江新淦新喻峽江蓮花
廳廬陵吉水永豐泰和萬安安福永新鄱陽樂平浮梁安仁
德興萬年安義德化德安瑞昌彭澤湖口等三十廳縣金谿
崇仁樂安等三縣被旱成災餘干一縣被水成災本年錢糧
南昌新建豐城高安宜春分宜萍鄉萬載永甯餘干等十縣
武甯臨川宜黃南城弋陽貴溪等六縣玉山縣有災處所分
別緩徵本年正賦

道光十六年

旨緩豐城進賢奉新建昌安義等五縣被旱成災本年錢漕帶
徵遞緩南昌新建武甯高安上高萬載清江新淦新喻峽江
蓮花廳廬陵吉水泰和永豐萬安安福永新臨川金谿崇仁
樂安東鄉南城鄱陽餘干樂平浮梁安仁德興萬年星子都

昌及建昌代徵安義寄莊德化德安瑞昌湖口彭澤等三十
九廳縣被旱稍輕均展緩

道光十七年

旨緩新建建昌等二縣暨建昌代徵安義寄莊地畝被水成災
本年錢糧南昌豐城進賢崇仁東鄉德化德安彭澤瑞昌等
九縣被水稍輕均遞緩

道光十八年

旨緩南昌新建進賢鄱陽餘干星子建昌德化德安湖口彭澤
等十一縣暨九江府同知所轄蘆洲被水成災本年民屯錢
糧豐城上高淦江新淦新喻峽江廬陵吉水泰和萬安萬年
都昌安義等十三縣被水稍輕均遞緩

道光十九年

旨緩德化南昌新建豐城進賢清江新淦廬陵泰和萬安鄱陽
餘千萬年星子都昌德化建昌瑞昌湖口彭澤等二十縣暨
九江府同知所轄蘆地建昌代徵安義寄莊地畝被水成災
本年錢漕帶徵遞緩德化縣所屬封一封二桑落赤松等鄉
暨九江府同知所轄蘆地被災較重酌予蠲免

道光二十年

旨緩南昌新建進賢鄱陽餘干建昌德化瑞昌湖口彭澤等十
縣暨建昌代徵安義寄莊地畝被水成災本年錢漕豐城清
江新淦新喻峽江萬年都昌德安等八縣被水稍輕均遞緩
道光二十一年

旨緩南昌新建進賢鄱陽餘千萬年星子都昌建昌德化德安
瑞昌湖口彭澤等十四縣暨九江府同知所轄蘆地建昌代

江門縣志卷之三
三
徵安義寄莊地畝被水成災本年錢漕德化縣所屬封一封二等四鄉情形最重著予蠲免新建進賢餘干星子都昌德化德安瑞昌湖口彭澤等縣酌籌撫卹借給籽種被災較輕之清江新淦新喻峽江廬陵吉水泰和安義八縣均遞緩

道光二十二年

旨緩南昌新建豐城進賢建昌德化瑞昌湖口彭澤零都等十縣暨建昌代徵安義寄莊地畝被水成災本年錢漕清江新淦新喻峽江廬陵吉水泰和鄱陽餘干萬年星子都昌德安等十三縣被災稍輕均遞緩

道光二十三年

旨南昌新建廬陵吉水泰和鄱陽星子建昌安義德化德安瑞昌湖口彭澤等十四縣田畝歉收遞緩帶徵各款

道光二十四年

旨緩南昌新建豐城進賢清江新淦新喻峽江廬陵吉水泰和
萬安鄱陽餘干萬年星子建昌德化德安瑞昌湖口彭澤等
二十二縣暨建昌代徵安義寄莊地畝被水成災本年錢漕
遞緩帶徵等款都昌縣被水較輕並遞緩

道光二十五年

皇太后七旬萬壽恩詔免道光二十年以前民欠錢糧 南昌
新建豐城清江新淦新喻峽江鄱陽建昌安義德化德安瑞
昌湖口彭澤等十五縣田畝歉收遞緩

道光二十六年

旨緩南昌新建豐城進賢奉新靖安上高新昌清江新淦新喻
峽江鄱陽餘干星子建昌安義德化德安等十九縣被旱成

江陰縣志卷之三
三
災本年錢漕遞緩帶徵廬陵吉水萬安彭澤瑞昌湖口等六縣被災較輕均遞緩

道光二十七年

旨緩進賢新喻安義等三縣被旱成災本年錢糧帶徵遞緩南昌新建豐城上高新昌清江新淦峽江廬陵吉水萬安鄱陽星子建昌德化德安湖口彭澤等十八縣被災稍輕均遞緩
道光二十八年

旨南昌新建豐城鄱陽餘干萬年星子都昌建昌安義德化德安彭澤等十三縣被水成災分別蠲緩本年民屯錢糧餘租蘆課等項帶徵并予遞緩仍籌款撫卹借給籽種德化瑞昌湖口等縣被災較重量予加賑餘干星子德化湖口等縣衝塌房屋給予修費又新淦新喻二縣被災較輕均遞緩

道光二十九年

旨緩南昌新建進賢鄱陽餘干萬年星子都昌建昌德化德安瑞昌湖口彭澤等十四縣被水成災本年民屯錢糧餘租蘆課帶徵銀款並予遞緩仍各籌款撫卹借給籽種進賢鄱陽餘干德化瑞昌湖口彭澤等縣被災較重酌予加賑星子都昌德安瑞昌等縣衝塌房屋給予修費豐城清江新淦新喻峽江等五縣被水較輕均遞緩

道光三十年

旨緩南昌新建進賢清江峽江鄱陽餘干建昌德化湖口彭澤等十一縣被水成災本年民屯錢糧屯餘蘆課各項並遞緩帶徵豐城新淦新喻萬年星子都昌德安瑞昌等八縣被災稍輕均遞緩

咸豐元年

恩詔免道光二十九年以前民欠錢糧

旨緩南昌新建豐城進賢餘干星子建昌德化德安瑞昌湖口彭澤等十二縣暨建昌代徵安義寄莊田畝九江府同知經徵蘆課被水成災錢漕

咸豐二年

旨緩南昌新建進賢等三縣被水玉山餘干等二縣被旱本年錢漕遞緩元年民欠豐城建昌德化德安瑞昌湖口等六縣暨建昌代徵安義寄莊田畝九江府同知經徵蘆課均遞緩

咸豐三年

旨南昌新建豐城武甯高安清江廬陵泰和萬安安福永新鄱陽樂平浮梁星子都昌德化德安瑞昌湖口彭澤興國等二

十二縣粵匪驚擾分別蠲免緩徵義甯上高新淦新喻峽江蓮花龍泉崇仁東鄉德興建昌等十一廳州縣均緩徵遞緩南昌新建豐城進賢清江新淦新喻峽江蓮花廬陵吉水永豐泰和安福鄱陽餘干萬年建昌安義等廳縣兼被水災分案緩徵遞緩

咸豐四年

旨武甯鄱陽樂平浮梁德興星子都昌建昌安義德化德安瑞昌湖口彭澤十四縣暨南康府知府九江府知府九江府同知經徵各款均被匪擾分別蠲免緩帶南昌新建東鄉新昌餘干安仁萬年玉山弋陽貴溪興安等十一縣緩徵遞緩豐城清江新淦新喻峽江蓮花廬陵永新崇仁興國等十廳縣遞緩又南昌新建豐城清江新淦新喻峽江廬陵吉水永豐

泰和萬安安福鄱陽萬年進賢蓮花餘干廣昌興國等二十廳縣兼被水災分案緩徵遞緩

咸豐五年

旨上饒鄱陽浮梁興國新建豐城餘干樂平德興進賢等十縣暨廣信府知府饒州府知府經徵各款均被匪擾分別蠲免緩徵南昌萬年二縣並予遞緩 南昌新建進賢豐城清江新淦新喻峽江蓮花廬陵吉水永豐泰和安福鄱陽餘干萬年興國等十八廳縣兼被水災分案緩徵遞緩

咸豐六年

旨義甯豐城進賢奉新靖安武甯上高新昌宜春分宜萬載鉛山鄱陽浮梁建昌安義等十六州縣均被匪擾分別蠲免緩帶南昌新建弋陽興安餘干樂平德興萬年等八縣分別緩

徵遞緩 南昌新建進賢豐城鄱陽餘干萬年等七縣兼被水旱分案緩徵遞緩

咸豐七年

旨豐城進賢武甯高安上高樂安鄱陽建昌德化瑞昌湖口南康上猶等十三縣暨九江府知府九江府同知經徵各款均被匪擾分別蠲免緩帶南昌新建奉新安義弋陽興安萬年安遠等八縣分別緩徵遞緩 南昌新建豐城進賢建昌鄱陽萬年等七縣暨建昌代徵安義寄莊田畝兼被水災分案緩徵遞緩

咸豐八年

旨奉新新喻德化永甯宜黃樂安鄱陽餘干安仁德興星子都昌建昌德安彭澤贛粵都信豐興國會昌石城二十一縣暨

吉安府知府九江府同知經徵各款均被匪擾分別蠲免緩帶南昌新建豐城進賢宜春分宜萬載萬年建昌安義等十縣均遞緩 南昌新建豐城進賢鄱陽餘千萬年建昌安義高安德化德安瑞昌湖口等縣同被水旱分案緩徵遞緩

咸豐十一年

旨義甯奉新靖安武甯高安上高新昌清江新淦峽江吉水永豐臨川金谿東鄉南城南豐新城瀘溪玉山鉛山弋陽安義等二十三州縣均被匪擾分別蠲免分數 建昌德化德安瑞昌湖口等五縣暨建昌代徵安義寄莊九江府同知經徵蘆地均被水災並酌免分數

同治元年

恩詔免咸豐九年以前民欠錢糧

旨南昌新建豐城進賢清江新淦新喻永豐萬安臨川南豐新城餘干建昌德化德安等十六縣暨建昌代徵安義寄莊九江府同知經徵蘆地被水成災蓮花安福湖口三廳縣被旱成災分別緩徵遞緩

同治二年

旨湖口都昌鄱陽彭澤等四縣均被匪擾樂平一縣聞警兼旱分別蠲免緩帶新建餘干建昌進賢清江新淦新喻蓮花永新德化萬安安福南昌豐城德安等十五廳縣各被水旱分案緩徵遞緩

同治三年

旨金谿宜黃東鄉崇仁南城南豐新城廣昌瀘溪進賢等十縣被擾樂平縣聞警分別蠲免緩徵遞緩 南昌新建新淦峽

江蓮花臨川餘干建昌清江安福永新德化鄱陽湖口彭澤
豐城新喻德安等十八廳縣兼被水旱分案緩徵遞緩

同治四年

旨南昌新建進賢東鄉餘干建昌德化德安瑞昌湖口彭澤新
淦安福永新蓮花等十五廳縣各被水旱及豐城清江新喻
鄱陽等四縣分別緩徵遞緩

同治五年

旨南昌新建進賢鄱陽餘干建昌德安瑞昌義甯奉新清江新
淦新喻峽江蓮花安福安義永新德化湖口彭澤等二十一
廳州縣各被水旱及豐城金谿崇仁東鄉南豐廣昌等六縣
分別緩徵遞緩

同治六年

旨南昌新建進賢餘干建昌瑞昌清江蓮花永新彭澤新淦新喻峽江安福湖口等十五廳縣各被水旱及豐城金谿崇仁東鄉鄱陽樂平德化德安等八縣分別緩徵遞緩

同治七年

旨義甯南昌新建進賢鄱陽餘干樂平建昌德安清江新喻新淦峽江蓮花安福德化永新湖口彭澤等十九廳縣暨建昌代徵安義寄莊九江府同知經徵蘆課各被水旱及豐城金谿東鄉廣昌瑞昌等五縣分別緩徵遞緩

同治八年

旨義甯南昌新建進賢上高新昌萬載清江新淦新喻臨川金谿東鄉南豐新城廣昌鄱陽餘干萬年星子都昌建昌德安瑞昌湖口彭澤蓮花安福永新樂平德化雩都三十二廳州

縣暨建昌代徵安義寄莊九江府同知經徵蘆課各被水旱分別蠲免緩帶豐城峽江等二縣遞緩南昌新建進賢星子都昌建昌德化德安瑞昌湖口彭澤等十一縣情形較重並籌撫卹

同治九年

旨德化縣暨九江府同知經徵蘆洲被水成災蠲免分數仍予緩徵南昌新建進賢東鄉餘干都昌建昌德安瑞昌彭澤清江新淦新喻峽江蓮花萬安安福樂平永新湖口等二十廳縣暨建昌代徵安義寄莊分別緩徵遞緩

同治十年

旨南昌新建進賢清江新淦新喻峽江蓮花安福永新餘干樂平建昌德化德安湖口彭澤十七廳縣暨建昌代徵安義寄

莊各被水旱及上高新昌東鄉鄱陽都昌瑞昌廣昌七縣分別緩徵遞緩

同治十一年

旨德化縣暨九江府同知經徵蘆課各款被水成災分數蠲免緩徵南昌新建進賢清江新淦新喻蓮花安福永新東鄉鄱陽餘干樂平萬年都昌建昌德化德安瑞昌彭澤二十廳縣暨建昌代徵安義寄莊各被水旱蟲災及豐城上高新昌峽江湖口廣昌六縣分別緩徵遞緩

同治十二年

旨南昌新建進賢清江新淦新喻峽江蓮花安福金谿東鄉餘干樂平建昌德化瑞昌湖口豐城十八廳縣暨建昌代徵安義寄莊各被水旱蟲災及上高新昌鄱陽萬年都昌德安永

新七縣分別緩徵遞緩

同治十三年

旨進賢新淦蓮花安福永新餘干樂平建昌德安湖口彭澤十
一廳縣暨建昌代徵安義寄莊各被水旱及南昌新建豐城
上高新昌清江峽江都陽都昌新喻十縣分別緩徵遞緩

光緒元年

旨南昌新建進賢新喻蓮花安福永新東鄉都陽餘干樂平
萬年都昌建昌德化德安瑞昌湖口彭澤十九廳縣暨建
昌代徵安義寄莊九江府同知經徵蘆地各被水旱及豐
城清江峽江新淦星子五縣分別緩徵遞緩

光緒二年

旨甯都南昌新建豐城進賢清江新淦新喻蓮花廬陵吉水

永豐泰和萬安安福臨川金谿東鄉南豐鄱陽餘干樂平
萬年星子都昌建昌德化瑞昌興國二十九廳州縣暨建
昌代徵安義寄莊九江府同知經徵蘆地各被水旱及峽
江德安永新三縣分別緩徵遞緩

光緒三年

旨南昌新建進賢清江新淦新喻蓮花安福永新東鄉餘干
樂平建昌德化德安湖口十六廳縣暨建昌代徵安義寄
莊九江府同知經徵蘆地各被水旱及甯都豐城吉水南
豐峽江廬陵鄱陽萬年都昌彭澤十州縣分別緩徵遞緩

光緒四年

旨南昌新建進賢新淦新喻蓮花安福永新東鄉鄱陽餘干
樂平安仁萬年星子都昌安義建昌德化德安瑞昌湖口

彭澤二十三廳縣暨建昌代徵安義寄莊九江府同知經徵蘆地各被水旱及豐城清江廬陵吉水南豐峽江六縣分別蠲免緩徵遞緩

光緒五年

旨進賢新淦新喻峽江蓮花永豐安福餘干樂平建昌德化德安彭澤湖口十四廳縣暨建昌代徵安義寄莊九江府同知經徵蘆地各被水旱及南昌新建豐城清江廬陵吉水南豐安仁萬年星子都昌瑞昌鄱陽永新十四縣分別緩徵遞緩

江西通志卷首之五